

„მინისტრის საათის“ ფორმატში, უმაღლეს საბჭოში ზაზა შავაძის მოუსმინეს

აჭარის ავტონომიური რესპუბლიკის უმაღლეს საბჭოში, სოფლის მეურნეობის მინისტრ ზაზა შავაძის მოუსმინეს, რომელმაც „მინისტრის საათის“ ფორმატში უწყების მიერ განხორციელებული საქმიანობის შედეგები შეაჯამა და სამომავლო გეგმებზე ისაუბრა.

ზაზა შავაძის ინფორმაციით, სამინისტრო 2025 წელს არაერთ პროგრამას განახორციელებს, რომელიც მიზნად ისახავს რეგიონში სასოფლო-სამეურნეო გაერთიანებების, საოჯახო მეურნეობებისა და მეწარმე სუბიექტების განვითარების ხელშეწყობას, პროდუქციის მწარმოებელთა ეფექტიანობისა და მდგრადობის ამაღლებას.

მინისტრმა დეპუტატების წინაშე გამოსვლისას, სამინისტროს 2025 წლის ბიუჯეტზე ისაუბრა. ზაზა შავაძის ინფორმაციით, აჭარის სოფლის მეურნეობის სამინისტროს 2025 წლის ბიუჯეტი, გასულ წელთან შედარებით, 4 805 972 ლარით გაიზარდა და 36 820 550 ლარს შეადგენს, რომელიც მოიცავს 16 პრო-



გრამას და 12 ქვეპროგრამას.

„აჭარის მთავრობის მხარდაჭერით, სამინისტრო 2025 წელს განახორციელებს სოფლისა და სოფლის მეურნეობის განვითარების ხელშეწყობის პროგრამას, დაფინანსებული იქნება არანაკლებ 2500 პროექ-

ტი, რომლის ბიუჯეტი მიმდინარე წელს არის 3 856 000 ლარი.

ფერმერების ხელშეწყობის მიზნით, მიმდინარე წელსაც გაგრძელდა სასოფლო-სამეურნეო მიწის ფართობების უფასოდ დათმობა. პროგრამის ფარგლებში, 2 438 ჰექ-

ტარ ფართობზე მეტი დამუშავდება შესაბამის აგროვადებში, რისთვისაც დაიხარჯება 1 567 173 ლარი.

2025 წელს გაგრძელდა აგრარული ექსტენციის მიწოდება რეგიონის ყველა მუნიციპალიტეტში, მთელი წლის განმავლობაში სხვა-

დასხვა დარგების მიმართულებით, 4200 ფერმერს და აგრომეწარმეებს სავსე პირობებში ჩაუტარდება სწავლება-კონსულტირება, რომლის ბიუჯეტი 342 000 ლარით განისაზღვრა“, - განაცხადა ზაზა შავაძემ.

აჭარის სოფლის მეურნეობის მინისტრმა ზაზა შავაძე სამინისტროს საქვეუწყებო დაწესებულებების - გარემოს დაცვის და ბუნებრივი რესურსების სამმართველოს საქმიანობის მნიშვნელოვან პრიორიტეტებს, გარემოს ხარისხობრივი მდგრადობის გაუმჯობესებას, ტყის დაცვას და მოვლას, ტყეების მდგრადი მართვისა და ბიომრავალფეროვნების შენარჩუნებას, რომლის განხორციელებისთვისაც პროგრამები 2025 წელს 14 425 347 ლარით დაფინანსდება.

რაც შეეხება აგროსერვისების განვითარების ხელშეწყობას, მინისტრის განმარტებით, მიმდინარე წელს 11 123 242 ლარითაა დაფინანსებული, ხოლო სსიპ „ლაბორატორიული კლევითი ცენტრის“ მომსახურების ბიუჯეტი 1 750 054 ლარია.

შეხვედრა კითხვა-პასუხის რეჟიმში წარიმართა.

დეპუტატებმა აჭარის სოფლის მეურნეობის მინისტრის მოხსენება ცნობად მიიღეს.

ნანა აბულაძე

რას გვასწავლის ბაყაყ ჩიკოს თავბადასავალი, ანუ მეოთხე პრემიერა - თოჯინების თეატრში

ბათუმის თოჯინებისა და მოზარდ მაყურებელთა პროფესიულ სახელმწიფო თეატრში მიმდინარე, 88-ე თეატრალურ სეზონზე მეოთხე პრემიერა შედგა. დასის რეპერტუარის სპექტაკლი „მოხერხებული ბაყაყ ჩიკო“ შეემატა, რომელიც ეზოპის იგავ-არაკების მიხედვით, რეჟისორებმა - ნინო დავითაშვილმა და ვლადიმერ ბიბილაშვილმა დადგეს. სპექტაკლისთვის ორიგინალური მუსიკა კომპოზიტორმა მინდია ხითარაშვილმა შექმ-

ნა, დამდგმელი მხატვარი - გიორგი გოგიტიძე, რეჟისორის თანაშემწე - ნინო მუხაშარია. სპექტაკლში მონაწილეობენ მსახიობები: მინდია ჩოხარაძე, ირმა მგელაძე, ვანო მალაქელიძე, კობა ფაცურია, სოფიო ცინცაძე, მერი დიასამიძე და მარიკა ბუღეიშვილი. საპრემიერო ჩვენებას აჭარის კულტურის მინისტრი ელისო ბოლქვაძე, მინისტრის მოადგილე ირმა აბულაძე, მოწვევული სტუმრები და, რა თქმა უნდა, ბავშვები ესწრებოდნენ.



„მოხერხებული ბაყაყ ჩიკო“ თოჯინური სპექტაკლია და 4 და მეტი წლის მაყურებელზეა გათვლილი.

ამბავი, რომელსაც მეზღაპრე სცენიდან გვიყვება, მოხერხებულ ბაყაყზეა. გასაჭირში ჩავარდნილ ჩიკოს ყურცქვიტა ბავი ეხმარება და სიკვდილისაგან იხსნის. მეფე ლომის, ელვისის, ბრძანებით, ტყეში კრება იმართება. მელა ლეისი, დათვი უილბერი, ღორი დუდი და ვირი როქსი ერთხმად გადაწყვეტენ, რომ ლომს საუზმედ უსუსური ყურცქვიტა მიართვეს. სწორედ აქედან იწყება დიდი და საინტერესო თავგადასავალი. სასოწარკვეთილებაში ჩავარდნილ ბავის მხსენილად ბაყაყი ჩიკო მოეცინება. ჩიკო შეადგენს ყურცქვი-

ტას ტყიდან გაქცევის გეგმას, მაგრამ ცხოველები ხელს უშლიან მიზნის მიღწევაში. საბოლოოდ, ბაყაყი ჩიკო გონიერებით ამარცხებს ელვინს. ლომი საკუთარ ანარეკლთან ბრძოლაში იღუპება, ადრე მტრულად განწყობილი ცხოველები კი, ამჯერად, მეგობრებად იქცევიან და მეფედ ჩიკოს ირჩევენ. სპექტაკლი გვესაუბრება ისეთ აქტუალურ თემებზე, როგორებიცაა: სიმაძივე, თავდადება, გონიერება, განათლებულობა, მეგობრობა და მოხერხება. მსახიობების ოსტატობით, ორიგინალური რეჟისორული კონცეფციით და კომპოზიტორის მიერ სპექტაკლისთვის შექმნილი ორიგინალური მუსიკით სცენაზე იქმნება ზღაპრული ატმოსფერო, რომელიც დაუვიწყარ შთაბეჭდილებას გვტოვებს.

- აღფრთოვანებული ვარ სპექტაკლით. რეჟისორს, ქალბატონ ნინოს გულოცავ ამ არაჩვეულებრივ დადგმას. ეს არის ბავშვების ჯადოსნური სამყარო, რომელიც ცოცხლობს, რომელსაც ჰყავს საუკეთესო მაყურებელი და მეც აღმოგჩნდით, მართლაც, სასწაულ სამყაროში მთელი სპექტაკლის განმავლობაში. აღსანიშნავია, რომ ეს ძალიან დიდი მნიშვნელობის თეატრია. მინდა, დიდი მადლობა გადავუხადო ბათუმის თოჯინების თეატრის სამხატვრო ხელმძღვანელ - ირაკლი კიკაძეს იმისთვის, რომ ჰყავს ძალიან ძლიერი შემოქმედებითი გუნდი. ამ პატარა სპექტაკლში

იხ. 33-10 33.



გამოირჩაეთ გაზეთი «აჭარა»!

ვისაც სურს მიიღოს მაქსიმალურად ზუსტი ინფორმაცია და ობიექტური ანალიზი არა მარტო ჩვენი რეგიონის, სრულიად საქართველოს პოლიტიკური, ეკონომიკური, სოციალური და კულტურული ცხოვრების მთავარი მოვლენების შესახებ, შესაბამისი თხოვნით მიმართოს სადისტრიბუციო ორგანიზაციას «ბათუმი ექსპრესი» (ქ. ბათუმი, ჭავჭავაძის ქ. №90, ტელ: 555 86 12 21). მისი დახმარებით

თქვენს მისამართზე მიიღებთ გაზეთ «აჭარის» ყოველ მომდევნო ნომერს.

გამოიწერეთ და ითანამშრომლეთ გაზეთ «აჭარასთან!» ჩვენთვის ძვირფასია თითოეული თქვენგანის აზრი! წამოჭრილი პრობლემების შემთხვევაში დაგვიკავშირდით: 577 20 43 55.

ღარაგემთ «აჭარის» რედაქციაში - ჩვენთვის უაღრესად მნიშვნელოვანია თქვენი მოსაზრება! - 27-48-93

გიორგი გახარია საგამოძიებო კომისიის სკამზე – მთავარ კითხვაზე პასუხის გარეშე

დაახლოებით ორი თვეა, რაც პარლამენტში 2003-2012 წლებში მოქმედი რეჟიმის, ამ რეჟიმის პოლიტიკური თანამდებობის პირებისა და პოლიტიკურ პარტიებში გაერთიანებული მოქმედი და ყოფილი თანამდებობის პირების 2003 წლიდან დღემდე საქმიანობის შემსწავლელი საგამოძიებო კომისიის სხდომა მიმდინარეობს, რომლის თავმჯდომარეც ვიცე-სპიკერი თეა წულუკიანია.

საზოგადოება ინტერესით შეხვდა საგამოძიებო კომისიის სკამზე პარტია „გახარია საქართველოსთვის“ ლიდერის გიორგი გახარიას გამოჩენას, რომელიც „ქართული ოცნების“ რიგებში ყოფნის დროს შინაგან საქმეთა მინისტრისა და პრემიერ-მინისტრის თანამდებობებზე იკავებდა. გახარია 2019 წლის 20 ივნისის მოვლენებთან დაკავშირებით დაიკითხა.

თავდაპირველად, მან პარტიის ოფისში ბრიფინგი მაშინ ჩანიშნა, რა დროსაც საგამოძიებო კომისიაზე ელოდებოდნენ, მაგრამ, საბოლოოდ, 14 აპრილს, 12:00 საათზე ჩანიშნული ბრიფინგი გაურკვეველი დროით გადადო და საგამოძიებო კომისიის სხდომაზე გამოცხადდა.

ოპოზიციამ წასული ექსპრემიერი საკანონმდებლო ორგანოს ლეგიტიმაციას არ აღიარებს და მანაც, პარლამენტში შექმნილი დროებითი საგამოძიებო კომისიის კითხვებს ექვსი საათის განმავლობაში პასუხობდა. აღსანიშნავია, რომ თავდაპირველად მან მისვლის მიზეზებზეც ისაუბრა.

კომისიის თავმჯდომარე თეა წულუკიანმა ხაზი გაუსვა, რომ გახარიას სხდომაზე მისვლა საქართველოს პარლამენტის აღიარებას ნიშნავდა.

„მადლობა, რომ მობრძანდით. როგორც ჩანს, აღიარეთ საქართველოს პარლამენტი და თითოეული ჩვენგანი, ჩვენი დემუტატის უფლებამოსილება, ეს მხოლოდ დადებითად შეიძლება შეფასდეს“, - მიმართა თეა წულუკიანმა კომისიის სხდომაზე მისულ გიორგი გახარიას.

ყოფილი პრემიერის თქმით, იქ მისვლა არ ნიშნავს, რომ ამ კომისიას აღიარებს. მისი აზრით, ეს კომისია ზემოქმედებს საქართველოს მოქალაქეებზე და ამიტომ თავისი აზრი უნდა დააფიქსიროს.

„გულწრფელად გეუბნებით ქალბატონო თეა, მე დღეს აქ მოსვლას არ ვაპირებდი. გნებავთ, რომ თქვენ ამ კომისიას იყენებთ ჰიბრიდული ომისთვის, საინფორმაციო და ფსიქოლოგიური ზეწოლისთვის საქართველოს მოქალაქეებზე. ზუსტად მსგავსი რამ მოხდა ისეთი სიმბოლური გმირის, როგორიც არის ანწუხელიძე, მისი გმირობის გაუფასურების კონტექსტში. მაშინ, გულწრფელად ვამბობ, არ ვამატებ არც ერთ სიტყვას, მაშინ ჩავთვალე, რომ მე ვალდებული ვარ, აქ მოვიდე“, - განაცხადა სხდომაზე მყოფმა გიორგი გახარიამ.

საზოგადოება განსაკუთრებით ელოდებოდა 20 ივნისის საქმის განხილვას და საბოლოოდ გარკვევას, ვის კისერზე იყო იმ დამის სისხლიანი ანგარიშსწორება, თუმცა აქაც ვერ მოვისმინეთ, ვისი ბრძანებით ესროდა აქციის მონაწილეებს დამიზნებით სპეცრაზმი.

„ბრძანება სპეციალური საშუალებების გამოყენებასთან დაკავშირებით, შესაბამისი გეგმის და პოლიციის შესახებ კანონის შესაბამისად, იმ შემთხვევებში, როდესაც ეს ენებოდა ცრემლსადენ ჯავს, გავეცი მე, იმ შემთხვევაში, როდესაც ენებოდა წყლის ჭავლს - გავეცი მე. სხვა შემთხვევებში, სპეციალური საშუალებების გამოყენების ბრძანება არც მე და არც ჩემს მოადგილეებს არ გაუციათ. ზუსტად იგივე პასუხი არის დაკითხვის ოქმში“, - განაცხადა გახარიამ.



რაც შეეხება რეჟიმის ტყვეობის გამოყენებას, რომლითაც აქციის მონაწილეები დაზიანდნენ და ორმა ადამიანმა თვალი დაკარგა, ამაზე პასუხი გახარიას არ აქვს, თუმცა აღნიშნა, რომ „პოლიციის შესახებ კანონის“ შემსწავლელი კომისიის მიხედვით, რეჟიმის ტყვეობის გამოყენების უფლება თვითმოგერიების რეჟიმში, რაზეც თეა წულუკიანმა უპასუხა: „ბატონო გიორგი, ისე ნუ იზამთ, თითქმის ჩვენ დავთხარეთ ვიღაცას თვალები. გისვამთ კითხვებს. თქვენი ხელმძღვანელობის დროს მოხდა და გავგეცით პასუხი“.

გიორგი გახარიამ აღიარა, რომ ამ ყველაფრის შემდეგ ის პოლიტიკურ პასუხისმგებლობას გრძნობს და მას არ გაუტრია. მისივე თქმით, იყო გარკვეული გადაცდომები იმ გეგმიდან, რომლითაც აქციის დაშლის ოპერაცია იმართებოდა, თუმცა კონკრეტულად ვინ აგებს პასუხს ამ გადაცდომებზე, არ დაუსახელებია.

სხდომაზე საუბარი შეეხო გიორგი გახარიას გადადგომის საკითხსაც. მან თანამდებობა „ნაციონალური მოძრაობის“ იმჟამინდელი თავმჯდომარე ნიკა მელიასთვის დემუტატის მანდატის გაუქმების შემდეგ დატოვა, თუმცა კომისიის წევრებისთვის გაუგებარია, რატომ შეიცვალა გახარიამ შეხედულება და თანამდებობა დატოვა მაშინ, როდესაც გუნდში შეთანხმებულები იყვნენ ნიკა მელიასთვის მანდატის გაუქმებასა და მის დაკავებაზე.

„მართალი რამ მოხდა - პროცესის სამართად, მე არ ვიცი კონკრეტულად თქვენთან თუ სხვა ყველასთან, შემოვიდა ივანიშვილი, რომელმაც ეს პროცესი თავიდან ბოლომდე აიღო თავის თავზე და დაიწყო ამ პროცესის მართვა. მე ეს ფაქტებით ვიცი და ჩემი გადადგომა იმით კი არ იყო გამოწვეული, რომ მე ღია არ უნდა დაგვეცავინა, ჩემი გადადგომა გამოწვეული იყო იმით, რომ არც თქვენ, არც საქართველოს მოქალაქეებს ისეთი პრემიერი და მინისტრები, რომელსაც უმართავს ადამიანი (ივანიშვილი), რომელმაც 1 თვის წინ თქვა, რომ პოლიტიკიდან მივდივარო, აღარ სჭირდებოდა“, - უთხრა გახარიამ თეა წულუკიანს.

სხდომაზე მეტ-ნაკლებად ვნახეთ აგრესია: იუმორიც, ცინიზმიც, ირონიული სიცოლიც, დახმარების თხოვნაც და არაპროფესიონალიზმი დადანაშაულებაც. აღმოჩნდა ისიც, რომ გიორგი გახარიას ბევრი რამ არ ახსოვდა. მოკლედ, ყველაფერი ვნახეთ და გავფიქრეთ, როგორ და მთავარია - ვინ გასცა 20 ივნისის რეჟიმის ტყვეობის დამიზნებით სროლის ბრძანება, არადა, საზოგადოებას ყველაზე მეტად ეს აინტერესებდა. სხვა თუ არავენ და არაფერი, ახალგაზრდები მაკო გამოური და გიორგიის სულაშვილი ღირსები არიან, იცოდნენ, ვინ წაართვა მათ თვალი და შეუცვალა ცხოვრება.

საგამოძიებო კომისიაზე გიორგი გახარიას მისვლას ოპოზიციის სპექტრის კრიტიკა მოჰყვა. „ნაციონალური მოძრაობაში“ ამბობენ, რომ მათთვის გიორგი გახარიას საგამოძიებო კომისიაზე მისვლა პირდაპირი დასტურია იმისა, რომ ექსპრემიერი საქართველოს პარლამენტს ლეგიტიმურობას ანიჭებს და რომ ის „ქოცია“.

„გახარია, ივანიშვილიც და კობახიძეც ქოცები არიან. ყველა ერთად დიდი საქოცეთა. ამ ე.წ. პარლამენტს არ ვფიქრობთ ლეგიტიმურად, შესაბამისად, მის არცერთ სტრუქტურასაც არ ვფიქრობთ ლეგიტიმურად და იქ მისვლა ჩვენთვის, როგორც პოლიტიკური პარტიისთვის არის გაუმართლებელი“ - აღნიშნა მედიასთან საუბარში პარტია ენმ-ის ერთ-ერთმა ლიდერმა გიორგი ზარმაიძემ.

პარტია „ლელოს“ ლიდერ მამუკა ხაზარაძის თქმით კი საგამოძიებო კომისია ფარსია. „ფარსში როცა მონაწილეობ, ფარსის ნაწილი ხარ! - პარლამენტში და კომისიაში მონაწილეობა არის „ოცნების“ „გაპარავება“, წერტილი!“ - წერს სოციალურ ქსელში ხაზარაძე.

გიორგი გახარია კრიტიკის სამიზნე გახდა მმართველი გუნდიდანაც.

პარლამენტის თავმჯდომარე მას მატყუარა უწოდა.

„ჩვენების მიცემისას, გიორგი გახარია, ბევრ საკითხზე საკუთარ ტყუილშივე გაიხლართა. ცალკე აღსანიშნავია კითხვა, მელიას დაკავება-არდაკავების საკითხში უცხოელების ჩარევაზე, რომელმაც ექსპრემიერი დააბნია“.

კითხვას რამდენჯერმე გაექცა, შემდეგ, ჯერ ვერ გაიხსენა, შეხვდა თუ არა რომელიმე ელჩს;

შემდეგ გაიხსენა, რომ შეხვდა, მაგრამ ვერ გაიხსენა, რა საკითხზე;

შემდეგ გაიხსენა, რომ მელიას საკითხზე, მაგრამ ასე მითხრეს, დასაჭერია და დაიჭირეთ (ამ ბოლო ტყუილს ვინ დაიჭირებს, მაგრამ ამ ტყუილთა ყოფილი ელჩი რომ დამატებით სკანდალში გახვია, ეს ცალკე საკითხია);

მართლაც, საცოდავი სანახავი იყო, ყოფილი პრემიერ-მინისტრი, რომელიც ერთ საკითხზე, რამდენიმე წუთში, სამჯერ იტყუებდა - დაწერა შალვა პაპუაშვილმა სოციალურ ქსელში.

გახარიას მისვლას საგამოძიებო კომისიაზე აფასებენ პარტია „ხალხის ძალაშიც“, ამ პარტიის და ბათუმის საკრებულოს წევრ ნინო ცხვარაძის თქმით, გახარიამ სხდომაზე ბევრ კითხვას თავი აარიდა.

- საპარლამენტო საგამოძიებო კომისიის სხდომების მოსმენა მძიმეა საზოგადოებისთვის. მართალია, კომისია უფრო ადრე უნდა შემდგარიყო და სამართლებრივი პასუხისმგებ-

ლობაც გაცილებით ადრე უნდა დამდგარიყო იმ ადამიანების თუ ჯგუფების მიმართ, რომლებმაც საქართველოს და ქართველი ხალხის წინაშე უამრავი ცოდვა ჩაიდინეს, მაგრამ გვიან არც დღესაა. ჩვენ ვისმენთ რეჟიმის მსხვერპლთა განცხადებებს, ადამიანის ისტორიებს, თუ რა ჯოჯოხეთი გამოიარეს.

უფრო მოგვიანებით კი ქვეყნის რყევაში ჩაერთო ბატონი გახარია, რომელმაც საგამოძიებო კომისიაზე ბევრ კითხვას თავი ოსტატურად აარიდა მართივი პასუხით - არ მახსოვს. გახარიას თუ არ ახსოვს, ხალხს ახსოვს მისი მზაკვრული ქმედებები, გარიგება „ნაც-მოძრაობასთან“, მაკო გომურის თვალცი. დან-არჩენს კომისია გადაწყვეტს.

არამხოლოდ გახარიას, ბევრი ადამიანის მიმართ დადგება სამართლებრივი პასუხისმგებლობის საკითხი და სამართალი გვიან, თუმცა მაინც იხეიმებს, - გვითხრა ნინო ცხვარაძემ.

გახარიას თანაპარტიელები კი ამბობენ, რომ მათი ლიდერის მისვლა საგამოძიებო კომისიის სხდომაზე გამართლებულია.

- გახარია მივიდა და ილაპარაკა სიმართლე იმ ფაქტებზე, რაც საზოგადოებას აინტერესებს. ორი საკანძო ფაქტი გაუღერდა ე.წ. საგამოძიებო კომისიის სხდომაზე, რაც აქამდე გახარიას პირიდან არ თქმულა:

1. 20 ივნისის კონტექსტში, გახარიამ პირველად აღნიშნა, რომ მას არ გაუცია სპეციალური საშუალებების გამოყენების ბრძანება და ექვსი დონეზე დააფიქსირა კიდევ პოზიცია, რომ შესაძლოა ივანიშვილის ხელი ერიოს გარკვეული ძალოვანი ქვედანაყოფების გავლით (ის, რაც ყველამ ისედაც ვიცოდით!).

2. წლების შემდეგ, ივანიშვილმა საჯაროდ რომ განაცხადა და პირობა დადო, პოლიტიკიდან საშუალოდ მივდივარო, იყო მტკნარი ტყუილი. ეს მაგვიოდა და ერთმნიშვნელოვნად თქვა გახარიამ და აღნიშნა, რომ მედიას დაჭერაში ივანიშვილი უშუალოდ იყო ჩართული ოპერაციის დონეზე. გამომდინარე აქედან, გახარიამ მიიღო გადაწყვეტილება, რომ თანამდებობიდან გადადგარიყო, რადგან მან არ დაუშვა, ყოფილიყო ფორმალური პრემიერი.

ამის შემდეგ „ოცნების“ წევრები აიშალნენ და გადავიდნენ ჩვეულ უზრდელობაზე და ჰქონდათ მცდელობები, რომ ვიზუალური ეფექტი შეექმნათ, რომელიც შინაარსისგან სრულიად იყო დაცლილი.

პირდაპირ ვამბობ, რომ, ჩემი აზრით, კომისიაზე გახარიას ვიზიტს ჰქონდა პოზიტიური ეფექტი და ამას მომავალი პროცესები დაგვიდასტურებს. ის არ ეროვნებოდა არც თანამდებობაზე ყოფნის დროს მწვავე პოლიტიკურ დისკუსიებს და არც ოპოზიციის ყოფნისას ატარებს ე.წ. ივანიშვილის პოლიტიკას, მსგავსად სხვა პარტიების ლიდერებისა. კითხვებს არ გაუტრია და არც მომავალში აპირებს გაექცეს, თუნდაც ყველაზე მწვავე კითხვებს - განაცხადა ჩვენთან საუბარში პარტია „გახარია საქართველოსთვის“ აჭარის ორგანიზაციის წევრმა არჩილ სამნიძემ.

გახარიას პარტიაში ასევე ფიქრობენ, რომ მისი კომისიაზე მისვლით „ისტორიის გადაწყვეტებს“ გაკვეთილი ჩაუტარა.

„გახარია კომისიაზე მივიდა და ისტორიის გადაწყვეტებს ჩაუტარა გაკვეთილი თუ როგორია ამდგომად სუვერენული სახელმწიფო და როგორ უნდა გამოიყურებოდეს მისი ღირსეული პირველი პირი“, - აღნიშნა ჩვენთან საუბარში პარტია „გახარია საქართველოსთვის“ აჭარის ახალგაზრდული ორგანიზაციის წევრმა თემო ტარიძემ.

თამარ ლამაზაძე

ქრონიკა

აჭარის მთავრობის თავმჯდომარე სულხან თამაზაშვილი უზბეკეთის სპორტის მინისტრ ადჰამ იკრამოვს შეხვდა. შეხვედრას საქართველოს სპორტის მინისტრი შალვა გოგოლაძე, აჭარის განათლების და სპორტის მინისტრი მაია ხაჩიშვილი და ბათუმის მერი არჩილ ჩიქოვანი ესწრებოდნენ. მხარეებმა სპორტის სფეროში ორმხრივი თანამშრომლობის პერსპექტივებსა და ქვეყნებს შორის მეგობრული ურთიერთობების გაღრმავებაზე იმსჯელეს. სულხან თამაზაშვილმა აღნიშნა, რომ აჭარა გამორჩეულია სპორტული ტრადიციებითა და ბუნებრივი პირობებით. რეგიონში აქტიურად ვითარდება სპორტული ინფრასტრუქტურა, მხარდაჭერილია ახალგაზრდებ-

ში ჯანსაღი ცხოვრების წესის დამკვიდრება და სპორტსმენების პროფესიული ზრდა. ბათუმი ევროპის ჩემპიონატს უმასპინძლებს უზბეკურ ტრადიციულ სპორტის სახეობაში - კურაშში, რომელიც სპორტის ერთ-ერთი უძველესი მიმართულებაა. ჩემპიონატი სპორტის ამ სახეობაში აჭარაში პირველად ტარდება.

აჭარის მთავრობის თავმჯდომარე სულხან თამაზაშვილმა ქობულეთის, ხელვაჩაურისა და ბათუმის მერიებსა და საკრებულოებში გაცნობითი ხასიათის შეხვედრები გამართა. შეხვედრების ფარგლებში, სულხან თამაზა-

შვილმა მუნიციპალიტეტების ხელმძღვანელ პირებს პირადად გააცნო ხედვა მუნიციპალიტეტებისა და ადგილობრივი თვითმმართველობების გაძლიერების შესახებ. აჭარის მთავრობის თავმჯდომარემ განსაკუთრებული ყურადღება გაამახვილა ტურისტულ სეზონზე და აღნიშნა, რომ ბათუმისა და ქობულეთის მუნიციპალიტეტებისთვის მნიშვნელოვანია ზაფხულის სეზონისთვის მზადება. საუბარი შეეხო როგორც ინფრასტრუქტურულ პრექტებს, ისე სერვისის ხარისხის გაუმჯობესებას. შეხვედრებზე ასევე იმსჯელეს რეგიონში მიმდინარე პროცესებზე და სამომავლო გეგმებზე.

აჭარის მთავრობის თავმჯდომარე სულხან თამაზაშვილი ბათუმისა და ლაზეთის მიტროპოლიტ მეუფე დიმიტრის შეხვდა. ამის შესახებ ინფორმაცია სოციალურ ქსელში გავრცელდა. შეხვედრაზე საერთო ღირებულებებზე, ეკლესიასა და სახელმწიფოს შორის თანამშრომლობის მნიშვნელობაზე ისაუბრეს, - ქართული ეკლესია ყოველთვის იყო და იქნება მშვიდობის, ერთიანობისა და სტაბილურობის გარანტი ჩვენი ქვეყნისთვის. აღსანიშნავია, მეუფის ძალისხმევა რეგიონში ქრისტიანობის განმტკიცების საქმეში, - ნათქვამია ინფორმაციაში.

ირაკლი გოგავა: ეს არის ევროპის კოლონიალური პოლიტიკა საქართველოს მიმართ, რისი გაგრძელებაც აღარ შეიძლება

ევროსაბჭოს საპარლამენტო ასამბლეამ საქართველოს შესახებ კიდევ ერთი რეზოლუცია მიიღო, რომელიც საკმაოდ მკაცრ ფორმულირებებს და მძიმე შენაარსის ჩანაწერებს მოიცავს. მონიტორინგის კომიტეტის მიერ მომზადებული რეზოლუციის მიხედვით, საქართველოში ვითარება უარესდება, რეკომენდაციები კი არ სრულდება. მწვავედ არის გაკრიტიკებული ბოლო თვეებში მიღებული კანონები, სასამართლოს გადაწყვეტილებები და პარლამენტის დროებითი საგამოძიებო კომისიის შექმნა. შუროსძიებად არის შეფასებული დემონსტრანტების და სამოქალაქო აქტივისტების დაკავება. მოწოდებაა, რომ ახალი არჩევნების დასანიშნად ხელისუფლებამ ოპოზიციასა და სამოქალაქო საზოგადოებასთან ინკლუზიური დიალოგი დაიწყო. რეზოლუციის პროექტის კენჭისყრას წინ არანაკლებ მწვავე დებატები უძღოდა, რა დროსაც გამომსვლელებს შორის პოზიციები გაიყო. ხელისუფლების კრიტიკასთან ერთად, გაკეთდა განცხადებები ქვეყნის შიდა საქმეებში ჩარევის შესახებ. დებატებს არ ესწრებოდა ქართული დელეგაცია, რომელშიც სამი თვის წინ უფლებამოსილების დათქმებით ცნობის გამო, საპარლამენტო ასამბლეაში მუშაობა შეაჩერა. მმართველი გუნდი რეზოლუციის ავტორებს ორმაგ სტანდარტებსა და არასამართლიან მიდგომებზე მიუთითებს

ამ და სხვა საკითხებზე გვესაუბრება საერთაშორისო ურთიერთობების ექსპერტი, პოლიტოლოგი **ირაკლი გოგავა**.

- როგორ შეაფასებთ ევროსაბჭოს მორიგ რეზოლუციას, რომელიც მიიღეს 89 ხმით სამის წინააღმდეგ?

- ევროპის საბჭოს საპარლამენტო ასამბლეაში 306 დეპუტატია და ნიშანდობლივია ის ფაქტი, რომ დეპუტატთა აბსოლუტურმა უმრავლესობამ არჩია, არ დასწრებოდა საქართველოს წინააღმდეგ კენჭისყრას. სწორედ ამიტომ, მხოლოდ 89 ხმით დამტკიცდა რეზოლუცია. ეს ყველაფერი უნდა გავითვალისწინოთ შემდეგ მოქმედებაში. გარდა ამისა, მოდით, განვიხილოთ, რა სარგებელი მოაქვს ამ ასამბლეას. პირადად მე, დღესდღეობით, ვერანაირ სარგებელს ვერ ვხედავ. გარდა იმისა, რომ ჭკუას გვაწავლიან იმ დროს, როდესაც თავად შეგვიძლია დავარიგოთ, როგორ მოიქცენ. მათ ავიწყდებათ, რომ საქართველოს აქვს 3000-წლიანი სახელმწიფო გამოცდილება და მენტორის ტონით არ უნდა გველაპარაკონ. შესაძლოა, 90-იან წლებში ჩვენთვის მსგავსი ჭკუის დარიგებები სასარგებლო იყო, რადგან დემოკრატიული თუ კაპიტალისტური სისტემები უცხო იყო და გარკვეული ილეთები, მექანიზმები უნდა აგვეთვისებინა, მაგრამ დღეს უკვე იმ დონეზე კი ვართ, რომ შეგვიძლია, იქით წავუყუთხოთ ლექცია - რა არის მისაღები ცივილიზებული სამყაროსთვის და რა - არა, მით უმეტეს, როდესაც დემოკრატიის, პლურალიზმის და სიტყვის თავისუფლების სერიოზული კრიზისია ევროპაში. ჯეი დი ვენსმა, აშშ-ის ვიცე-პრეზიდენტმა მიუნხენის უსაფრთხოების კონფერენციაზე პირდაპირ მოუწოდა ევროპელებს, დააბრუნონ სიტყვის თავისუფლება, შეწყვიტონ კონსერვატიული პარტიების დევნა და მოეშვან მედიის ცენზურას.

- საპროტესტო აქციები გრძელდება... რა კომენტარს გააკეთებთ შექმნილ სიტუაციაზე?

- საპროტესტო აქციები არ შეწყდება მანამ, სანამ აფინანსდება. ტრამპის და ილონ მასკის მიერ განმთავრებული ფაქტები, „იუსაიდის“ დახურვამ და სხვა ინფორმაციებმა გვჩვენა, რომ ჩვენთან ხელოვნურად შექმნილი ქაოსი ფინანსდებოდა უცხოეთიდან, ასევე, ბრიუსელის კომისრებიც აგზავნიან თანხებს, რომელიც ურიგდება საპროტესტო აქციებში მონაწილეებს ჰონორარის სახით. შესაბამისად, ეს 260 კაცი, რომელიც ყოველდღე იკრიბება, არ შეწყვეტს პარლამენტის წინ საირაულს. საზოგადოების აბსოლუტური უმრავლესობა მშვენივრად ხვდება, რაშიც არის საქმე.

- თუ შეიძლება, დააკონკრეტეთ, მაინც რაშია საქმე?

- დასავლეთის აგრესიულ წრეებს სურდათ საქართველოს ჩათრევა რუსეთის წინააღმდეგ მიმართულ სამხედრო მოქმედებებში, რაც ჩვენმა მთავრობამ არ დაუშვა და ეს უნდა დაეფუძნათ. დიდ უზედურებებს და შარს გადარჩა ქართველი ხალხი. მიმართა, რომ იგივე პოლიტიკა უნდა გავაგრძელოთ, იმიტომ, რომ ომს მოაქვს ნგრევა, სიკვდილი, ეკო-



ნომიკის განადგურება და ა.შ. ქვეყანა რამდენიმე ათეული წლით უკან დაიხვეს... მოკლედ რომ ვთქვათ, ეს ვარიანტი არც კი უნდა განვიხილოთ. მხოლოდ მშვიდობას მოაქვს განვითარება. შესაბამისად, გვეჭირდება უწყვეტი მშვიდობა მომავალშიც.

- რამდენად საჭიროდ მიგაჩნიათ საქართველოს პარლამენტის დროებითი საგამოძიებო კომისიის მუშაობა?

- 2012 წელს, როდესაც გაიმარჯვა ივანიშვილმა, მაშინაც იყო ამ კომისიის შექმნის

ბას, რომ თუ მოქმედ პოლიტიკოსებს დაიჭერენ, ყველანაირი დახმარება შეწყდება. SWIFT-დან გაითიშება საქართველო და ეკონომიკა გაჩერდება. ისე დაიმტკიცებენ თავს, შეიძლება ვერც მოსულიერდნენ“.

- ჯერ ერთი, ვაშაძე და „ნაცმოძრაობის“ სხვა წევრები პოლიტიკოსები კი არა, უცხო ქვეყნის აგენტები არიან, ეს უნდა გვესმოდეს კარგად. საქართველოში ოპოზიცია არ არის, მხოლოდ დასავლეთის მიერ დაფინანსებული მეხუთე კოლონია. მეორეც, ჩვენ გვაქვს 23

|| ათასობით და ათიათასობით საქონელი, რაც სამივე სახელმწიფოს სჭირდება, ადგილზე აწარმოონ, ცხადია, თუ ამის შესაძლებლობა არსებობს. ვგულისხმობ იმას, რომ ერთმანეთს უაზრო კონკურენცია არ გაუწიონ, ფასების ომი არ გააჩაღონ და ასე შემდეგ, თუმცა ყაჩაღური და მონოპოლისტური ვითარებაც არ უნდა შეიქმნას. ამ სისტემით იოლად შევძლებთ მაღალ ხელფასებზე ხალხის დასაქმებას

სურვილი, რაც დასავლეთის ზეწოლის გამო, ვერ განხორციელდა. მათ მოითხოვეს, რომ ხელი არ ეხლოთ სააკაშვილისთვის. გახსოვთ ალბათ, გამარჯვებიდან რამდენიმე დღეში დააყენა სააკაშვილის გადადგომის საკითხი ბატონმა ბიძინამ, მაგრამ „ჩამოვარდნენ“ უცხოელები და შეაჩერეს. ფაქტობრივად, მათ დაუნიშნეს „ქართულ ოცნებას“ ოპოზიციად „ერთიანი ნაციონალური მოძრაობა“ იმ იმედით, რომ მომავალში არსებული ხელისუფლების რეიტინგი დაეცემოდა და კვლავ მოიკვანდნენ ხელისუფლებაში. ქართველი ხალხი ასე არ ფიქრობს, რადგან იცის, რომ ეს არის დანაშაულებრივი ძალა. 2022 წლიდან, როდესაც მსოფლიოში შეიცვალა გეოპოლიტიკური ვითარება, ჩვენს ხელისუფლებას მიეცა სუვერენული გზით მოქმედების საშუალება, შედეგად მივიღეთ ეს საპარლამენტო საგამოძიებო კომისია, რომელიც მივა „ერთიანი ნაციონალური მოძრაობის“, როგორც კრიმინალური რეჟიმის, უკანონოდ გამოცხადების ლოგიკურ გადაწყვეტილებამდე. ცხადია, ამ პარტიას შეუწყდება რეგისტრაცია, ხოლო ფიგურებს, რომლებიც მონაწილეობდნენ რიგი დანაშაულებრივი გადაწყვეტილებების მიღებაში (თუნდაც - დუმდნენ), ან მედიაში ცდილობდნენ მის „გაპარვებას“, აეკრძალებათ საჯარო სივრცეში გამოჩენა. ეს, უდავოდ, დიდი ნაბიჯი იქნება პოლიტიკური ლანდშაფტის და საზოგადოების პოლიტიკური ცხოვრების გაჯანსაღებისკენ. კიდევ ერთხელ ვიტყვი, რომ „ერთიანი ნაციონალური მოძრაობა“ უნდა დასრულდეს, რადგან ეს არის ძალა, რომელიც ემსახურება უცხო ქვეყნის ინტერესებს.

- მოსახლეობის საკმაო ნაწილი მხარს უჭერს „ერთიანი ნაციონალური მოძრაობას“. რა ნეგატიურ პროცესებს გამოიწვევს მისი აკრძალვა, კიდევ უფრო ხომ არ გაიზრდება დაპირისპირება?

-კი, ჰყავთ მხარდამჭერები, მაგრამ უკვე აღარაფრის თავი, არანაირი რესურსი აღარ გააჩნიათ. ეს არის სექტად ჩამოყალიბებული ხალხის ჯგუფი. თავად პარტია დანაწევრდა მარტივ მამრავლებად, ბელადი უზით ოთხ კედელში. დღეს უკვე გაძლიერებულია საქართველოს სახელმწიფო, სამართალდამცავი ორგანოები, პოლიცია, ფუნქციონირებენ მაღალ დონეზე, აქედან გამომდინარე, სიტუაციის გამწვავებას არ ველო. თუ ძალმომრეობაზე გადმოვლენ, მიიღებენ ფიზიკურ შენობების და ყველაფერი დამთავრდება სწრაფად.

- გიორგი ვაშაძე აფრთხილებს მთავრობას, რომ თუ მოქმედ პოლიტიკოსებს დაიჭერენ, ყველანაირი დახმარება შეწყდება. SWIFT-დან გაითიშება საქართველო და ეკონომიკა გაჩერდება. ისე დაიმტკიცებენ თავს, შეიძლება ვერც მოსულიერდნენ“.

მილიარდი კონსოლიდირებული საგარეო ვალი, აქედან 10 მილიარდამდე მთავრობისაა, ხოლო დანარჩენი - ბონდისექტორის. ასევე, საბანკო სექტორშია 25 მილიარდი უცხოური ფული. თუ SWIFT-დან გავგთიშავთ, ვეღარ მოვემსახურებთ საგარეო ვალს და ეს 50 მილიარდი ხსენივით შეგვრჩება.

- საბანკო სისტემა არ ჩამოგვეშლება?

- არა, რაინაირად ჩამოიშლება, საბანკო სისტემაში დიდი კაპიტალი არის განთავსებული. მართო საქართველოს ფინიკური პირების დეპოზიტები შეადგენს 21 მილიარდ დოლარს. ეს არის რეკორდული მაჩვენებელი და თუ ბანკები სხვა კანონს არ გაჰყვებიან, ეროვნული ბანკი შევა მათთან დროებითი მართვით... რა თქმა უნდა, გამწვავებები სასურველი არ არის, მაგრამ ამათ მიერ აღწერილ კატასტროფულ შედეგებს არ ველოდებით.

- თეა წულუკიანის წინააღმდეგ აგორებულ ნეგატიურ კამპანიაზე რას იტყვით?

- ეგრეთ წოდებული ოპოზიციის მხრიდან ნებისმიერი აგრესიული ქმედება ზრდის თეა წულუკიანის რეიტინგს. ამიტომ ვთვლი, რომ ეს უმსგავსო ქცევები: ხალხში მივარდნები თუ უცენზურო სიტყვები მას ვერაფერს დააკლებს.

- ტარიფების იზრდება აშშ-ისგან... რა ელის მსოფლიოს და, კერძოდ, საქართველოს ეკონომიკას და გამოსავალია თუ არა სამხრეთ კავკასია და საერთო ბაზარი?

- ტარიფების ზრდა ჩვენ ვერ შეგვეხება, რადგან ადგილობრივი წარმოება მინიმალურ დონეზეა, არაფერს ისეთს არ ვაწარმოებთ. ამერიკაში ჩვენი ექსპორტი 100 მილიონზე ოდნავ მეტია მაშინ, როდესაც ამერიკიდან იმპორტი 2 მილიარდს აჭარბებს (ძირითადად, ეს არის ავტომობილები). თუ ოდენიმე გავზრდით წარმოებას, მაშინ კი ბატონო... საერთოდ, მე მომხრე ვარ, რომ თავისუფალი ვაჭრობის რეჟიმები, რომელიც 16 სუბიექტთან გაქვს, თანდათან შევამციროთ. საქართველო განვითარებადი ქვეყანაა და ამ ეტაპზე ადგილობრივი წარმოების განვითარებას თავისუფალი ვაჭრობის რეჟიმი ეწეება. მიმართა, რომ სომხეთ-აზერბაიჯანთან საერთო ბაზარი უნდა შექმნათ. ამ სამმა სახელმწიფომ უნდა ჩამოაყალიბოს ზომიერი ინტეგრაციული მოდელი. ჭკვიანურად უნდა განაწილდეს, ვინ რას აწარმოებს და ერთიან, 17-მილიონიან ბაზარზე უნდა უზრუნველყონ გაყიდვები. ეს მოგვეცმა ძალიან დიდ უპირატესობას. უკვე ისეთი პროდუქტების წარმოებას მიეცემა აზრი, რაც პატარა, 3-მილიონიან საქართველოს ბაზარზე დღეს არ არის რენტაბელური.

- რას გულისხმობთ შრომის დანაწილებაში?

- მაგალითად, ის ათასობით და ათიათასობით საქონელი, რაც სამივე სახელმწიფოს სჭირდება, ადგილზე აწარმოონ, ცხადია, თუ ამის შესაძლებლობა არსებობს. ვგულისხმობ იმას, რომ ერთმანეთს უაზრო კონკურენცია არ გაუწიონ, ფასების ომი არ გააჩაღონ და ასე შემდეგ, თუმცა ყაჩაღური და მონოპოლისტური ვითარებაც არ უნდა შეიქმნას. ამ სისტემით იოლად შევძლებთ მაღალ ხელფასებზე ხალხის დასაქმებას, იმეტომ, რომ მრეწველობაში უფრო მაღალია ხელფასი და აქ შექმნილი ერთი სამუშაო ადგილი მომიჯნავე სფეროში ქმნის ექვს სამუშაო ადგილს. ეს არის ყველაზე სწორი გზა, მაგრამ, უნდა დავიცვათ ერთი პრინციპი - სამხრეთ კავკასიიდან ჩვენს არცერთ მეზობელს საფრთხე არ უნდა შეექმნას. გარდა ამისა, გადაწყვეტილებები ამ სამუშაოში უნდა ეფუძნებოდეს კონსენსუსს. ეს არის საქართველოსა და მთელი რეგიონის განვითარებისთვის ყველაზე ოპტიმალური გამოსავალი.

- რას ფიქრობთ 3+3-ის ფორმატში მონაწილეობაზე?

- დიალოგის უქონლობას, დიალოგი ჯობია. ვფიქრობ, არ უნდა იყოს პრობლემა აქ მონაწილეობა. ცხადია, რომ რუსეთის დელეგაციამ სათანადო დეკლარაციაში ხელმოწერით უნდა აღიაროს მონაწილე ქვეყნების ტერიტორიული მთლიანობა. მოსკოვთან კიდევ ცალკე სასაუბრო გვაქვს, თუ როგორ უნდა მოგვარდეს ცხინვალის და აფხაზეთის პრობ-

ლემა. სამწუხაროდ, ეს ერთადერთი და უმთავრესი საკითხია, რომელიც რუსეთთან სრულმასშტაბიანი კეთილშეზრუნული ურთიერთობების ჩამოყალიბებას შეუძლებელს ხდის. ამ კუთხით, ხელისუფლებამ უკვე უნდა დაიწყოთ კონკრეტული ნაბიჯების გადადგმა. ცხადია, ჩვენ იგნორირებას ვერ გავუყუთებთ სამას ათას დევნილს, ეთნოწმენდის გამო საკუთარ სახლებში რომ ვერ ბრუნდებიან. რუსეთი დიდი სახელმწიფოა და მან, მინიმუმ, ჰუმანიტარული ვალდებულება მაინც უნდა აიღოს თავის თავზე, რომ უზრუნველყოს დევნილების დაბრუნება უსაფრთხოების გარანტიებით. ზოგადად, ამ საკითხების მოწესრიგება კრემლის ინტერესებშიც უნდა იყოს, რადგან ჩაკეტილი კომუნიკაციები არც მას აწყობს. ევროპამ რუსეთთან რკინის ფარდა ჩამოუშვა. თუ რუსებს უნდათ, რომ სამხრეთისკენ გასასვლელი ჰქონდეთ, ამ თემებზე უნდა იფიქრონ. აქვეა ჩინეთის ინტერესი - „ერთი გზა - ერთი სარტყელი“, რომელიც, ასევე, მოითხოვს ყველა კომუნიკაციის გახსნას... და ემატება ინდოეთი-ირანის ინტერესი, რომელიც სურს, რომ უფრო ჩრდილოეთისკენ წამოვიდეს სავაჭრო დიდი მაგისტრალი. საქართველო ამ ყველაფრის კვანძი ხდება, შესაბამისად, გადაკეტილი გზები უნდა გაიხსნას.

- მთელ ამ სიტუაციაში რა როლი რჩება ევროპას?

- იცით რა, საქართველოს ევროკავშირში მიღება თავიდანვე იყო ევროკომისრების დიდი აფორია და ტყუილი. პრინციპში, ჩვენ ეს ვიცოდით, მაგრამ არ გვექონდა სხვა გამოსავალი რუსეთთან პრობლემური ურთიერთობების გამო. ჩრდილოეთთან დაძაბულობა, ცხადია, დღესაც გრძელდება, მაგრამ იმის დაჭერება, რომ ევროკავშირი ოდესმე მიგვიღებს, უკვე დესტრუქციული ხდება ჩვენი ქვეყნისთვის. როგორც ხედავთ, ახლაგზრდებს მართლა სჭერათ ამ სატყუარის, რითაც დასავლეთი გვაიძულებს, ვიმოქმედოთ მათი ინტერესებიდან გამომდინარე.

- მაინც რა ინტერესებზეა საუბარი?

- ევროკაპიტალი ზემოეგებებს იღებს საქართველოში. თანაც, აქედან მიჰყავთ იაფი მუშახელი და მესამედ ფასში ამუშავებენ. ჯამში, ყოველ წელს ევროპა ათი მილიარდი დოლარის სარგებელს იღებს საქართველოდან. ეს არის ევროპის კოლონიალური პოლიტიკა საქართველოს მიმართ, რისი გაგრძელებაც აღარ შეიძლება.



ბაქა დიასამიძე აღბილობრივ არჩევნებში მონაწილეობას არ მიიღებს, თუ...

ექსპერტთა აზრით, დღესდღეობით საქართველო როგორც საშინაო, ისე საგარეო ასპარეზზე მნიშვნელოვანი გამოწვევების წინაშე დგას: დაპირისპირება მმართველ გუნდსა და ოპოზიციას შორის, აქციები, მოსახლეობის არასანაბრილო ეკონომიკური მდგომარეობა, რასაც ემატება ისიც, რომ ოპოზიცია არ აღიარებს არსებულ ხელისუფლებას და ხელახალი არჩევნების ჩატარებას ითხოვს. თავის მხრივ, მმართველი პარტია აცხადებს, რომ არჩევნები სანამუშაოდ ჩატარდა. მათივე თქმით, მიტინგების მუხტმა იკლო... დრო გადის, მმართველი პარტია თვითმმართველობის არჩევნებისთვის ემზადება, რომელიც წლის მიწურულს გაიმართება. ანალიტიკოსთა თქმით, ოპოზიცია ამ მიმართებით უნდა გააქტიურდეს, რათა მოსახლეობამ ხელისუფლების ალტერნატიული ძალა იგრძნოს. წინააღმდეგ შემთხვევაში, მმართველი პარტია შეძლებს ოპოზიციის განეიტრალებას ფაქტია, რომ საქართველოში, ისევე როგორც მთელ მსოფლიოში, საყურადღებო მოვლენები ვითარდება. სწორედ ამის თაობაზე გვესაუბრება „სტრატეგია აღმაშენებლის“ აჭარის ორგანიზაციის ხელმძღვანელი ბმპა ღიასამიძე.

- როგორ აფასებთ ბოლო პერიოდის პოლიტიკურ მოვლენებს? საუბარი მმართველ გუნდში განხორციელებული საკადრო ცვლილებებით დავიწყოთ...

- რუსთაველზე 130 დღეზე მეტია, უწყვეტი აქციები იმართება, რომლის მონაწილეებიც პოლიტპატიმრების განთავისუფლებასა და ხელახალი არჩევნების ჩატარებას მოითხოვენ. ვერც ერთი პოლიტიკური ძალა, თუ „ქართულ ოცნებას“ შეიძლება ასე ვუ-

|| ახალი პლატფორმის შექმნა თუ ნებისმიერი სხვა ფორმის გაერთიანება ნამდვილად საჭიროა. ერთიანობას ალტერნატივა არ აქვს. ამის თაობაზე მუდმივად საუბრობს „სტრატეგია აღმაშენებლის“ ლიდერი ბატონი გიორგი ვაშაძე. მოსაძებნია თანამშრომლობის ისეთი მოდელი, რომელიც სხვადასხვა იდეოლოგიის პარტიებს გააერთიანებს. როგორც ჩანს, მხოლოდ პროდასავლურ კურსში თანხვედრა არ არის საკმარისი

წოდოთ, მშვიდად ვერ უყურებს ამდენი გულანთებული, პატრიოტი ადამიანის პროტესტს ამდენი ხნის განმავლობაში, თან იმ პირობებში, რომ იციან, სიმართლე მათკენ კი არა, ამ ხალხის მხარესაა. ბუნებრივია, ხელისუფლებას ნერვები დალატობს და ეს ასეც უნდა იყოს. ახლა მიდის შიდა დაპირისპირება, შეიძლება ითქვას, „აღმაშენებლის“ ნაღირობა“, ანუ მათზე, ვისი მიზეზით ხდება ის, რომ ოთხ თვეზე მეტი ხნის განმავლობაში ხალხი ვერ დაშალეს და საპროტესტო მუხტი ვერ ჩაქრეს.

- გასაგებია, რომ ოპოზიცია მმართველი პარტიის შიდა განხეთქილებაზე საუბრობს, თუმცა ხელისუფლების წარმომადგენლები აცხადებენ, რომ „ქართული ოცნება“ ერთიანია, როგორც არასდროს და ოპოზიციის შეფასებები ამ მხრივ უსაფუძვლოა...

- დაპირისპირება, როგორც ვთქვი, არსებობს, მაგრამ, ბუნებრივია, ამას თავად არ აღიარებენ. უფრო ზუსტად, ჭრეჭრებით არ აღიარებენ, რადგან კვლავ ხელისუფლების სადავეებთან არიან და ფიქრობენ, რომ ხალხის პროტესტს როგორღაც მაინც გადააგორებენ. უბრალოდ, ვერ ხვდებიან, რომ ხალხის უკმაყოფილება დღეს არ დაწყებულია, შესაბამისად, არც ხვალ დამთავრდება და ლოგიკურ დასასრულამდე მივა.

- არანაკლები დისკუსია გამოიწვია საპარლამენტო კომისიის სხდომებმა. რას ფიქრობთ?

- „ქართული ოცნება“ ყველანაირად ცდილობს, ყურადღება რუსთაველზე პროტესტიდან არალეგიტიმური პარლამენტის უკანონო სხდომებზე გადაიტანოს. მსგავსი ქმედებები არახალია ქოცებისგან. ისინი მთელი 12 წელი - „რა, ომი გინდათ?“, ამ ნარატივით კვებავდნენ თავის ელექტორატს, მაგრამ ჩვენი მოსახლეობის დიდი უმრავლესობა უკვე კარგად ხვდება, რომ რაიმე ფორმით ქვეყანაში მშვიდობის გარანტირება ისინი ვერ იქნებიან. პირიქით, თუ ხელისუფლებაში დარჩენისთვის დასჭირდებათ, ომს საკუთარ ხალხს თავად გამოუცხადებენ და ამისთვის რუსული ჯარის შემოყვანა სრულებით არ იქნება საჭირო. პრინციპში, რომ დააკვირდეთ, რასაც პოლიციელები დღეს თბილისში,



რუსთაველზე, ბათუმსა და მთელ საქართველოში აკეთებენ, განა ეს უკვე საკუთარ ხალხთან ბრძოლა არ არის?!

- სხვათა შორის, მმართველი პარტიის წევრები აცხადებენ, რომ ისინი საქართველოს არ ადანაშაულებენ 2008 წლის აგვისტოს ომთან დაკავშირებით, არამედ იძიებენ მაშინდელი ჩინოვნიკების საქმიანობას ომის პერიოდში.

- ყველა ნორმალურ ქვეყანაში უმაღლესი პოლიტიკური თანამდებობის პირების მიერ გადადგმული ნაბიჯები მიიღება და ფორ-

მდება როგორც სახელმწიფოს გადაწყვეტილებები. პასუხისმგებლობაც, რომელიც ახლავს ამ პროცესებს, საერთაშორისო სამართალში სახელმწიფოს ეკისრება და არა კერძო პირებს. ასე, მაგალითად, მართალია, არ მოგვწონს ეს თვითმარქვია ხელისუფლება, მაგრამ მის მიერ დღეს საერთაშორისო ასპარეზზე ყველა მხრიდან გაფუჭებული ურთიერთობების გამო, ხვალ ქართველი დიპლომატების ახალგაზრდა თაობამ უნდა ავსოს პასუხი და ნეგატიური შედეგების გამოსწორებაზე იზრუნოს. არადა, ქოცების მაგნებლობისა და უვაციობის გამო მომავალ თაობებს რამდენიმე ათეული წელი დასჭირდებათ ზიანის გამოსასწორებლად.

- მმართველი პარტიის ერთ-ერთმა ლიდერმა მამუკა მდინარაძემ განაცხადა, რომ საკონსტიტუციო სასამართლოს მიმართავს „ნაციონალისტების“ და მასთან აფილირებული პარტიების აკრძალვის თაობაზე...

- არ არსებობს ფსკერი, რომელსაც „ქართული ოცნება“ ძალაუფლების შენარჩუნების პროცესში არ გახვრეტს. თუ შესაძლებლობა მიეცემათ, ოპოზიციურად განწყობილ ყველა პარტიას და მედიასაშუალებებს დახურავენ ისე, რომ წარბიც არ შეუტოკდებოთ. უბრალოდ, ამის საშუალება არ უნდა მიეცეთ და ყველა ერთად დავდგეთ - პარტიებიც, არასამთავრობო ორგანიზაციებიცა და სამოქალაქო საზოგადოებაც.

- რას იტყვით ბოლოდროინდელი კანონების შესახებ, რომლებიც პარლამენტმა ამას წინათ მიიღო?

- როგორც აღვნიშნე, თვითმარქვია ხელისუფლება ცდილობს, ნებისმიერი კრიტიკული აზრი გააჩუქოს, ამისთვის ყველა მეთოდს მიმართავს. მათ შორისაა ისეთი ნორმატიული აქტები, რომლებიც ეწინააღმდეგება ქართული სახელმწიფოს ნაციონალურ ინტერესებს. ყველა ეს კანონი, რომელიც უკანონო პარლამენტს აქვს მიღებული, ჩვენი მხრიდან, პირველი შესაძლებლობისთანავე, გაუქმდება და ჩვენი ქვეყანა კვლავ დაუბრუნდება დემოკრატიული განვითარების გზას.

- ხელისუფლების წარმომადგენლები აცხადებენ, რომ ზემოაღნიშნული საკანონმდებლო ცვლილებები ქვეყნის საკეთილდღეოდ

ხორციელდება.

- როგორ შეიძლება რაიმე ქმედება, რაც პირდაპირ აზიანებს საქართველოს დემოკრატიული განვითარების პერსპექტივებს ან, უფრო მეტიც, იზიარებს საქართველოს ისტორიული მტრის - რუსეთის ინტერესებს, ჩვენი ქვეყნისთვის სიკეთის მომტანი იყოს?! გასული საუკუნის 90-იან წლებში ეროვნულ-განმათავისუფლებელი მოძრაობა იმისთვის არ დაუწყია ქართველ ხალხს, რომ მოგვიანებით ბიძინა ივანიშვილი, როგორც დიქტატორი, ჩვენი სამშობლოს „ბატონ-პატრონი“ გამხდარიყო.

- მეოთხე თვეა, მიმდინარეობს აქციები დედაქალაქში. პროტესტის მუხტმა ხომ არ იკლო?

- შეიძლება საქართველოს ქალაქებში პროტესტი ყოველდღიურად მრავალრიცხოვანი არ იყოს, ამას თავისი ობიექტური და სუბიექტური მიზეზები აქვს, მაგრამ გულისწყრომა მოსახლეობის საღად მოაზროვნე ნაწილში არ განელებულა. ეს რომ ასე არ იყოს, თვითმარქვია ხელისუფლების პოლიციას ძალადობა არ დასჭირდებოდა, ხოლო პარლამენტს - უკანონო გადაწყვეტილებების მიღება.

- გხედავთ, რომ ოპოზიცია ერთმანეთს დაერია, მაგალითად, „ნაციონალისტთა“ სალომე ზურაბიშვილის და გახარაბს პარტიას უბიძისპირდება, ასევე „გირი“ - მეტი თავისუფლება“ რამდენიმე პოლიტიკოსმა დატოვა...

- ქართული საზოგადოება რეჟიმის ებრძვის მშვიდობიანი პროტესტის ფორმებით, ეს დროში გაწელილი პროცესია. 4 თვეზე მეტია, ქართული საზოგადოება ქუჩაში დგას და, ბუნებრივია, პარალელურ რეჟიმში ჩნ-

დება ძალიან ბევრი ზოგადი ხასიათის კითხვა: რამდენად ეფექტურია ბრძოლის არჩეული მეთოდები? რა წინსვლა გვაქვს? როგორია ამა თუ იმ აქტორის როლი პროცესებში? რა სიახლე უნდა შევიტანოთ ჩვენს აქტიურობაში და როგორ, რა ფორმებით?.. ბუნებრივია, მსგავსი კითხვები აზრთა სხვადასხვაობას იწვევს და ლოგიკურია, ყველას აქვს თავისი აზრის გამოსატყვის უფლება. ნათქვამია, აზრთა ჭიდილში იბადება ჭეშმარიტება. შეიძლება ბრძოლის ფორმებზე გკამათობდეთ, მაგრამ მთავარი ის არის, რომ ყველა ერთ რამეზე ვთანხმდებით - ეს ხელისუფლება სახლში გასაშვებია.

- სხვათა შორის, 31 მარტს გამართულმა აქციამაც აჩვენა, რომ ოპოზიცია დაქაქსულია. ითქვამს, რომ უნდა შეიქმნას ახალი პლატფორმა.

- ახალი პლატფორმის შექმნა თუ ნებისმიერი სხვა ფორმის გაერთიანება ნამდვილად საჭიროა. ერთიანობას ალტერნატივა არ აქვს. ამის თაობაზე მუდმივად საუბრობს „სტრატეგია აღმაშენებლის“ ლიდერი ბატონი გიორგი ვაშაძე. მოსაძებნია თანამშრომლობის ისეთი მოდელი, რომელიც სხვადასხვა

იდეოლოგიის პარტიებს გააერთიანებს. როგორც ჩანს, მხოლოდ პროდასავლურ კურსში თანხვედრა არ არის საკმარისი. საჭიროა, შეხების სხვა წერტილები გამოიკვეთოს პარტიებს შორის და თან რაც შეიძლება მაღლ.

- როგორც ცნობილია, ოქტომბერში ადგილობრივი თვითმმართველობის არჩევნებია დანიშნული. ამ მხრივ ოპოზიციის სტრატეგიაზე რას გვეტყვით?

- ოპოზიციის ხედვა ის არის, რომ თუ არ დაკმაყოფილდა ორი ძირითადი მოთხოვნა - პოლიტპატიმრების უპირობო განთავისუფლება და პარლამენტის ხელახალი არჩევნები, ადგილობრივი თვითმმართველობის არჩევნებში მონაწილეობას არ მივიღებთ.

- თქვენი თვალთახედვით, „მეგობარი აქტის“ ფაქტორი რა ცვლილებებს მოუტანს საქართველოს?

- აქტის მიღება ხელს შეუწყობს საქართველოს დემოკრატიული ინსტიტუტების გაძლიერებას, კორუფციის შემცირებას და ევროატლანტიკურ ინტეგრაციას. რაც მთავარია, დაასაქმირებს რეჟიმის მთავრობის წარმომადგენლებს და ქართველი ხალხის ბრძოლას მრავალეული ხელისუფლების წინააღმდეგ მხარს დაუჭერს.

- სხვათა შორის, მმართველი პარტიის წარმომადგენლები იმასაც აღნიშნავენ, რომ აშშ-ის ახლანდელი ადმინისტრაცია და კონგრესი დასავლური „დიდი სთეითთან“ ბრძოლაში დამარცხდნენ და საქართველო არ ჩაერთვება ზესახელმწიფოთა თამაშებში.

- კარგად გვახსოვს, დონალდ ტრამპის ინაუგურაციამდე „ქართული ოცნების“ რიტორიკა რადიკალურად სხვა იყო. მოხდა ის, რასაც ვპროგნოზირებდით - თვითმარქვია ხელისუფლებამ საერთო ენა ვერ გამოიხატა ტრამპის ახალ ადმინისტრაციასთან. შესაბამისად, თავის მართლებისთვის სხვა წანსი არ დარჩათ გარდა ერთისა - ამტკიცონ, თითქმის მთელი მსოფლიო მოწადინებულია, საქართველო ჩაითიბოს დიდ ომში და მხოლოდ „ქართული ოცნების“ ხელისუფლების დამსახურებაა, რომ ჩვენს ქვეყანაში მშვიდობაა.

- დაბოლოს, რას იტყვით აშშ-ის შუამავლობაზე რუსეთ-უკრაინის ომის დასრულებისთვის? ამ პროცესების როგორ განვითარებას ელოდებით?

- დონალდ ტრამპის ადმინისტრაციას (მისივე განცხადებებიდან გამომდინარე) არ აქვს ინტერესი, დაიცვას უკრაინისა და ევროპის უსაფრთხოება. ეს ამ უკანასკნელთა, და არა აშშ-ის, მთავარი ამოცანა უნდა იყოს. თეთრი სახლის ინტერესის სფეროს ჩინეთი, მისგან მომდინარე საფრთხე წარმოადგენს. ამიტომ უკრაინის თემა იმდენად საყურადღებოა, რამდენადაც ტრამპს სურს, კრემლი ოფიციალურ პეკინს ჩამოაშოროს. მოლაპარაკების პირველი რაუნდი უშედეგოდ დასრულდა. იგივე ბედი ეწევა შემდგომ რაუნდებსაც, თუ თეთრი სახლი უფრო მკვეთრ ნაბიჯებს არ გადადგამს ოფიციალურ მოსკოვთან მიმართებაში. პუტინს ხელს არ აძლევს ომის დასრულება, შესაბამისად, თუ მშვიდობის დამყარება მხოლოდ მის ნებაზე იქნება დამოკიდებული, მოლაპარაკების პროცესი უსასრულოდ გაიწელება და შესაძლოა, მერე უკვე თეთრმა სახლმა თქვას უარი შუამავლის როლზე.

ლავა ხომიბიპი

ქოხულეთში ორი მრავალბინიანი სოციალური სახლი შენდება

ქოხულეთში, პოპოვის ქუჩის №12-ში ორ მრავალბინიან სოციალურ სახლს შპს „ფორუმ კონტრაქტს ლიმიტედის“ საქართველოს ფილიალი აშენებს. შენებლობისთვის 23 მილიონი ლარია გათვალისწინებული. სოციალური სახლები ადაპტირებული იქნება შშმ პირებისთვის, მოეწყობა მწვანე ზოლი, ბავშვთა გასართობი ზონა და გარე განათებები.

ქოხულეთის მერ ლევან ზოიძის განცხადებით, სოციალური სახლებში ბინებს მუნიციპალიტეტში რეგისტრირებული, ადგილობრივი ცვლილებას დაქვემდებარებული ეკომიგრანტები მიიღებენ.

- სამუშაოები აქტიურად მიმდინარეობს, შენდება ორი ათსართულიანი საცხოვრებელი კორპუსი, სადაც ჩვენს მოქალაქეებს, ეკომიგრანტებს, გადაეცემათ გარემონტებული ბინები, მოწესრიგდება ეზო, გაკეთდება სკვერი. მუნიციპალიტეტში ყველა ეკომიგრანტი დაკმაყოფილება ბინით. ხელშეკრულება არის სამშლიანი, მაგრამ ასეთი ტემპებით პროექტი 2026 წელს დასრულდება. - განაცხადა ლევან ზოიძემ.

შპს „ფორუმ კონტრაქტს ლიმიტედის“ წარმომადგენლის ფარნავაზ გიორგაძის განცხადებით, მშენებლობაზე დასაქმებულია 12 ადამიანი. ამ ეტაპზე კორპუსების ხიმინჯების მოწყობა მიმდინარეობს.



ადნან ალთაი ალთინოქსი: როდესაც ჩვენთან ელოდება მხარდაჭერას, ყოველთვის მზად ვართ ამისთვის

მანანა ტაპიძე 577 10 15 17

თურქეთის რესპუბლიკის გენერალურ საკონსულოს ბათუმში ექვსი თვეა, ახალი კონსული ჰყავს. **ადნან ალთაი ალთინოქსი** ამ თანამდებობაზე რიზა ქალანლიმაზი ჩაანაცვლა. ბათონ კონსულს დიპლომატიისა და საერთაშორისო ურთიერთობების სფეროში თითქმის 27-წლიანი გამოცდილება აქვს. მას მდიდარი გამოცდილება დაუგროვდა ისეთ სფეროებში, როგორებიცაა გარემოს დაცვა, კლიმატის ცვლილებები, წყალი, ენერგეტიკა, ადამიანთა დასახლებები, მდგრადი განვითარება, გაეროსა და ევროკავშირის საკითხები, ზოგადი სამშენებლო ინჟინერია, სითხის მექანიკა, ჰიდროლოგია, წყლის მენეჯმენტი და ა.შ. ვფიქრობთ, დიპლომატთან ინტერვიუ საინტერესო იქნება ჩვენი მკითხველისთვის.

- წლებია, თურქეთი საქართველოს მთავარ ეკონომიკურ პარტნიორად მოიაზრება, დღევანდელ მდგომარეობას როგორ შეაფასებთ?

- ორი ახლო მეზობელი და მეგობარი ქვეყნისთვის სტაბილურობისა და კეთილდღეობის ხელშეწყობა ძალიან მნიშვნელოვანია, ამიტომ ჩვენთვის პრიორიტეტულია ამ ურთიერთობების გაღრმავება და განმტკიცება. ეკონომიკურ პარტნიორობას რაც შეეხება, დღესაც იგივე მდგომარეობა გვაქვს. შეიძლება ითქვას, ინტერესი საქართველოს მიმართ დიდია. ჩვენი ამოცანაა 3,2 მილიარდი აშშ დოლარის სავაჭრო მოცულობის 5 აშშ მილიარდ დოლარამდე გაზრდა. თანამშრომლობის გაღრმავებისთვის შრომა და ძალისხმევა საჭიროა. გვყავს როგორც არსებული, ასევე, ახალი თურქული ინვესტიციის ჩადების მსურველი პირები და კომპანიები. ამასთან, მინდა აღვნიშნო ისიც, რომ საგრძნობლად გაზრდილი კონსურენცია და ცვლილებით, ფეხი ავუწყვთ ამ ტემპებს.

- ჩვენი ქვეყნები ტურიზმის სფეროშიც აქტიურად თანამშრომლობენ. როგორ ფიქრობთ, არსებული შიდაარეულობა ხომ არ მოახდენს გავლენას ტურიზმზე?

- შავი ზღვის აღმოსავლეთ ნაწილში სამოგზაუროდ ბათუმი გამორჩეულად მიმზიდველი ქალაქია, რომელსაც ბევრი საინტერესო

სო შესაძლებლობის შეთავაზება შეუძლია დამსვენებლებისთვის. წინასაახალწლო პერიოდსა და ბაირამის დღეებს თუ გადავხედავთ, თურქეთიდან ვიზიტიორთა რიცხვი მზარდია, ბევრს სურს ბათუმის მონახულება. აქედან გამომდინარე, ვფიქრობ, ტურისტული ნაკადი მომავალში კიდევ უფრო გაიზრდება. სასაზღვრო გამტარ პუნქტებსაც ბევრი იყენებს სამოგზაუროდ. რიგები განსაკუთრებით დასვენების დღეებში და დღესასწაულებზე შეინიშნება. მაქვს ინფორმაცია, რომ თურქეთის ავიახაზები ბათუმში რეისების დამატებას აპირებს, რაც ტურისტების რაოდენობას კიდევ უფრო გაზრდის.

- თქვენს განვლილ გზაზე გვიამბეთ...

- დიპლომატიისა და საერთაშორისო ურთიერთობების სფეროში, დაახლოებით, 27-წლიანი გამოცდილება მაქვს. ჩემი სპეციალობა, ძირითადად, გარემოს დაცვაზე, კლიმატის ცვლილებებზე, წყალსა და ენერგეტიკაზე, ადამიანთა დასახლებებზე, მდგრადი განვითარების საკითხებზე იყო ფოკუსირებული. გამოცდილება დამიგროვდა გაეროს და ევროკავშირის საკითხებში, ასევე, ზოგად სამშენებლო ინჟინერიაში, ჰიდროლოგიაში, წყლის, წყლისა და სანაპირო ნაგებობების სპეციალიზაციის მიმართულებით და ა.შ. 2018-2021 წლებში ინდოეთში, ჰაიდერაბადის გენერალური კონსული ვიყავი. სხვადასხვა პერიოდში ვმუშაობდი ანკარაში, ბრიუსელში ევროკავშირის თურქული წარმომადგენლობის მისიაში ვიყავი ჩართული ზედოზიდორჯერ, გაერთიანებული ერების თურქულ წარმომადგენლობაში ვიმუშავე. 2024 წლის

თურქეთიდან ვიზიტიორთა რიცხვი მზარდია, ბევრს სურს ბათუმის მონახულება. აქედან გამომდინარე, ვფიქრობ, ტურისტული ნაკადი მომავალში კიდევ უფრო გაიზრდება. სასაზღვრო გამტარ პუნქტებსაც ბევრი იყენებს სამოგზაუროდ. რიგები განსაკუთრებით დასვენების დღეებში და დღესასწაულებზე შეინიშნება. მაქვს ინფორმაცია, რომ თურქეთის ავიახაზები ბათუმში რეისების დამატებას აპირებს, რაც ტურისტების რაოდენობას კიდევ უფრო გაზრდის

ოქტომბრიდან საქართველოში, ბათუმში თურქეთის რესპუბლიკის გენერალურ კონსულად დაინიშნე.



ლოდ დაინიშნე.

- თქვენს შთაბეჭდილებები - ბათუმსა და საქართველოზე...

- შესრულდა ექვსი თვე, რაც ამ ლამაზ ქალაქში ჩამოვდი. თავი უცხოელ ნამდვილად არ მიგრძნია. ჩვენს ქვეყნებს ახლომეზობლური ურთიერთობები აკავშირებს. საქართველო

ურ რუტინულ საქმიანობასთან ერთად, ხშირია საინტერესო შეხვედრები. საღამოს მეგობრებთან ვატარებ, თუმცა იმდენად დატვირთული იყო ეს პერიოდი, რომ ზოგჯერ სახლიც კი მომნატრებია. სწორედ ეს არის ჩვენი საქმე - დატვირთული ურთიერთობები და მეტი კომუნიკაცია.

- თქვით, რომ სახლიც მოგნატრებიათ. თქვენი ოჯახი...

- ჩემი მეუღლე ქუბრა, ქალიშვილ ზეინ-აბთან ერთად, რომელიც წელს ლიციუმს ამთავრებს, ამჟამად ანკარაშია. მან იურისტობა აირჩია მომავალ პროფესიად. ვიმედოვნებ, მეუღლე მალე ჩამოვა ბათუმში. ორივეს ძალიან მოეწონა ეს ქალაქი, შეიყვარეს. აქ ჩამოსვლამდე ინდოეთში, კერძოდ, ჰაიდარაბადში ვცხოვრობდით, სადაც ვმუშაობდი. ჩემი ოჯახი, მიუხედავად იმისა, რომ განსხვავებული კულტურა აქვთ, ძალიან ადვილად შეეგუა იმ გარემოს, შესანიშნავად აუწყო ფეხი იქაური ცხოვრების რიტმს. ქალაქმაც ძალიან თბილად მიიღო ჩემი მეუღლე, საუკეთესო ჰაიდარაბადელი ხარო, ეუბნებოდნენ კომპლიმენტად, რაც ძალიან ახარებდა. მისი სურვილია, ასეთივე სახელი და პატივისცემა მოიპოვოს თქვენს რეგიონში.

- უაღრესად დაძაბული გითარებაა მთელი მსოფლიოში. მშვიდობას ალტერნატივა არ გააჩნია, რაშიც დიპლომატებს უდიდესი წვლილი შეეატება. რა მესიჯს გაუგზავნით დანარჩენ მსოფლიოს მშვიდობის შესანარჩუნებლად?

- მშვიდობის შენარჩუნება ბოლო წლებში სულ უფრო გართულდა, სტაბილურობა, უმეტესწილად, საფრთხის ქვეშაა. დიპლომატია მართლაც ძალიან მნიშვნელოვან როლს ასრულებს მშვიდობის შესანარჩუნებლად. ეს არის პრობლემების მოლაპარაკებების გზით გადაჭრა. კონფლიქტებისთვის თავის არიდება და მშვიდობის წახალისება მთავარია. სამწუხაროდ, რაც უფრო იძაბება ურთიერთობები, მით უფრო მეტი დიპლომატიური ძალისხმევა საჭიროა. ჩვენმა ეროვნულმა ლიდერმა ათათურქმა თქვა: მშვიდობა - შინ, მშვიდობა - მსოფლიოში. ჩვენ ყოველთვის ამ პრინციპით ვხელმძღვანელობთ როგორც რეგიონში, ისე საერთაშორისო მასშტაბით. როდესაც ჩვენგან ელოდებიან მხარდაჭერას, ყოველთვის მზად ვართ ამისთვის.

- რაიმეს თქმას ხომ არ ისურვებდით?

- საქართველო შესანიშნავი ქვეყანაა. ვფიქრობ, მომავალში კიდევ უფრო უკეთესად იქნება ყველაფერი ერთობლივი ძალისხმევით, მეზობლური ურთიერთობებით. საბჭოთა კავშირის დაშლის, დამოუკიდებლობის გამოცხადების შემდეგ, როგორც ვიცო, საქართველო ძალიან განვითარდა, რაც პირადად მე ძალიან მახარებს. ბედნიერი ვარ, რომ მომეცა შესაძლებლობა, უფრო ახლოს გავცნობოდი ამ ქვეყანას. ვიმედოვნებ, აქ მუშაობის პერიოდში უფრო მეტს გავიგებ თქვენს ქვეყანასა და ხალხზე.





„დედაენის სიყვარული ყველა ქართველის სულშია გაშფოდილი“

სახალხო მთქმელი **ფიმიტრი ბერიძე** შუახევის რაიონის სოფელ ლომანაურიდანაა. მან წლების განმავლობაში პოლიციის ორგანოებში იმსახურა. პენსიაზე გასვლის შემდეგ, საცხოვრისი გურიაში მოიწყო. 90 წელს მიტანებული ლექსების კრებულის სამი წიგნი გამოსცა და მეოთხეზე მუშაობს. ამ დღეებში დიმიტრი შუახევში გამართულ პოეზიის საღამოზე საზოგადოების წინაშე წარსდგა.

- **ბატონო დიმიტრი, რა ადგილს იჭერს თქვენს შემოქმედებაში ლომანაური?**

- ლომანაური ჩემი ადგილის დედაა. იქ გეზიარე ცხოვრების ავკარგს. აქედან იწყება ჩემი წუთისოფლის ლაბირინთები, სადაც უკვე მეცხრე ათეული წელია ვმოგზაურობ. სიზმარშიც სულ იქ ვარ, სადაც დაირწა აკვანი ჩემი. სხვაგანადაც მიმოვიდევლია მშობლიური მიწა, დედის კალთასავით შეუცვლელი და შეურყვანელი.

- **გურული იუმორი და აჭარული ხუმრობები რამდენად აისახება თქვენს შემოქმედებაში?**

- გურიაც იმ დღით შემოვიდა ჩემს ხასიათში, რომ უკვე ორგანული გახდა. შესაბამისად, აჭარულ კაცს იდეალურად გამომდის გურული, მწარე იუმორით გაჭერებული ლექსები.

- **ორივე კუთხეში სოფლები ცარიელდება. ამ ტკივილს კიდეც ეხმარებათ ლექსებით...**

- მე სხვაგან რატომ მიბიძგებ შენთან დარჩენა მსურს, არც სხვისი რამე მიტაცებს და არც სიმდიდრე მშურს. ხელადებული ყოველდღე, სულ ვევედრები ღმერთს, სხვას ათი რაღაც მიეცე, მე დაგვრდები ერთს. ოღონდაც შინ დამარჩინე,



ჩემი მამულის ფესვებზე და ნულარ ვილაპარაკებ - ტკივილით ნათქვამ ლექსებზე!

- **ყოფილ პოლიციელს, ხიფათი არ მოგაკლდებოდათ. ასეთ ვითარებაში მუშასთან რა ურთიერთობები გქონდათ?**

- ჩემი ხასიათიდან გამომდინარე, ხიფათს არსად ვიქმნიდი, არც მილიციელების დროს. მუშა ისეთი რამაა, ჯოჯოხეთშიც რომ იყო, იქაც დაგაწერინებს ლექსს. თუ სულში შეგიძვრა, მღრღნელი ჭიასავითაა, სანამ არ ამოგწოვს შენში არსებულ შემოქმედებით ნიჭს, თავს არ დაგანებებს.

- **დამნაშაგის დასჯას ანიჭებდი უპირატესობას თუ...**

- დასჯა არასდროს მგვრის შვებას, ჩემი აზრით, სწორი მაინც დამნაშაგის „საამქვეცნ-

ოდ“ მობრუნებაა. შესაბამისად, მისი გამოსწორება და ამაში ხელის შეწყობა, ჩემი მიზანი გახლდათ. მრავალსაც დაეხმარებოვარ.

- **მანკიერების მხილება თქვენი შემოქმედების ამოსავალი წერტილია. რამდენად გიწონებენ ასეთი ჟანრის ლექსებს?**

- ლექსებს მოსაწონებლად არ ვწერ. ავტორი საკუთარ სინდისთან უნდა იყოს მართალი. თუ შენს ქვეყანას არ უღონის, ვერც ლექსში იქნები მხიარული. შენი მოვალეობაც ისაა, თქვა ის საწუხარი, რაც შენს ერს სტკივა.

- **რა პოზიცია გეჭირათ 1978 წლის 14 აპრილს, როცა მოწინავე ქართველი საზოგადოება დედაენის დასაცავად საპროტესტო მიტინგს მართავდა?**

- დედაენის სიყვარული ყველა ქართველის სულშია გაშფოდილი და არც მე ვიყავი გამოწკლისი, თუმცა ჩემი იმდროინდელი სტატუსიდან გამომდინარე, მიტინგებს ვერ შევეუერთდი. თუ დადგებოდა კრიტიკული მომენტი, რა თქმა უნდა მეც ჩემი ხალხის გვერდით დავდგებოდი.

- **დედაენის დაცვას რომელი ლექსი მიუძღვნათ?**

- *ეცადეს და ვერ ამოგვჭრეს დედაენა ქართული, ამიტომაც ქართველები*

სულ ვართ წელგამართული!

- **ქართული სახელმწიფოებრიობის შენარჩუნება, დედაენის დაცვა, ეროვნული ადამიანების პატივისცემა - ეს თემა მრავალ ლექსში გაქვთ გაუღებრებული. დიმიტრი ხელსაც ნატრობთ. ვინ გყავთ მხედველობაში?**

- ერთგან სტალინი ვახსენე და შევატყვე, ახალგაზრდებს ეწყინათ. კარგი, არ გვიდა სტალინი, მაგრამ რაღაც ზომები უნდა მიიღოს ზემდგომმა ორგანოებმა, ამ ყველაფრის შესანარჩუნებლად, რათა უცხო და უცხოუ-

რმა არ წაგვლევოს.

- **პოეტმა ნანა შანიძემ ითავა თქვენი კრებულების რედაქტორობა და ლექსების კრებულები სამუშეოზე გამოვიდა...**

- ნანას ჰყავდა არაჩვეულებრივი მეუღლე (ცხონდეს) გია ქურიძე. თავად უკარგესი ავტორი და ხელოვანი, რომელმაც ნანასთან ერთად, მაძულა გამებედა ჩემი ლექსების სამუშეოზე გამოტანა. მაღლობა გიას სპეტაკ სულს და ჩემს ნანას. მე კი ჩემის მხრივ, ვცდილობ, გავამართლო ის სტატუსი, რაც მათთან მაკავშირებს, მამობილი ვარ.

- **მშობლიური შუახევლების წინაშე წარსდგით პოეზიის საღამოზე. რა შთაბეჭდილებები გამოგვყავთ?**

- ამასაც ნანას ვუმაღლი და შემდეგ, რა თქმა უნდა, ბატონ ვახტანგ გოგრაჭაძეს, რომ ყველაზე ლამაზი წუთები მაჩუქა ჩემმა შუახევმა. თითქოს თავიდან დავიხადე. ცრემლებამდე მიმიყვანა ემოციებმა. მაღლობა რაიონის ხელმძღვანელობას სათანადო მასპინძლობისთვის, მაღლობა ჩემს შუახევლებს სიბოლსა და სიყვარულისთვის. და მაღლობა შენ, ოქრო კაცო, რომ არ დაგავიწყდა დანაპირები - ინტერვიუს ჩავიწერე შენთან.

- **საღამოზე სამი თაობის შუახევლები კითხულობდნენ ლექსებს. ახალგაზრდების შემოქმედებას როგორ შეაფასებთ?**

- ძალიან კარგი, აზრიანი თაობა მოდის პოეზიაში, ლექსის განსხვავებული წყობით, რითმით.

მივესალმები ყველა შემოქმედს და ვეტყვი: წერეთ ბაბუა, ნუ მოგერიდებთ თქვენი განცდების გადმოცემა. ღმერთმა ნიჭი მოგადლოთ ამისთვის და მაქსიმალურად გამოიყენეთ ეს შანსი. წერეთ სამშობლოზე, დედაენაზე, სიყვარულზე, მეგობრობაზე და იმ ღირებულებებზე, რაც ყველაზე მნიშვნელოვანია ქართველი კაცისთვის.

ტკივილიანი აპრილი – აჭარის მთიანეთში

ქვეყანა, მრავალტანჯული ქართველი ერი ჯერ კიდევ 1989 წლის 9 აპრილს ტრაგედიის დაღუპულებს გლოვობდა, როცა მის განუყოფელ, მრავალგანსაცდელგამოვლილ აჭარის ისტორიულ სხალთა-ხიხანის ხეობაში მთას მოწყვეტილმა მთამ 23 ადამიანი მიწაში ჩამარხა. ათი დღის შუალედში ქვეყანამ მეორედ გამოაცხადა გლოვის დღე

ყველამ გაიზიარა აჭარის მთიანეთში დატრიალებული ტრაგედია, სპეციალურად გახსნილ ანგარიშზე მილიონობით მანეთი შეგროვდა. 48 დღის განმავლობაში ტრაგედიის ტერიტორიაზე არ შეწყვეტილა მექანიზატორების მუშაობა. დროის ამ მონაკვეთში, უგზოობის გამო, ხეობის 20-მდე სოფელი გარე სამყაროს იყო მოწყვეტილი. მათ ამ გაჭირვებას გაუძლეს, მეზობლების, ახლობლების ჭირი და უბედურება გაიზიარეს.

ტრაგედიიდან მე-40 დღეს სხალთას ეწვია სრულიად საქართველოს კათოლიკოს-პატრიარქი, უწმინდესი და უნეტარესი ილია II, მღვდელმსახურებთან ერთად სხალთის გავრანებულ, ხავსმოკიდებულ ტაძარში დაღუპულთა სულების მოსახსენიებლად წირვა-ლოცვა აღავლინა, საყოველთაო ნათლობა ჩატარა, მართლმადიდებელ ერს ტაძრის ამოქმედება მიულოცა და წინამძღვარი დაუდგინა.

19 აპრილის ტრაგედიამ კიდევ ერთხელ დააახლოვა აჭარის მთიანეთის მოსახლეობა ქვეყნის სხვა რეგიონების მკვიდრთ. დაიწყო ერთობ რთული, მაგრამ საჭირო და დროული პროცესი - სტიქიისგან დაზარებული ოჯახების ქვეყნის სხვა ტერიტორიაზე გაყვანა. ეს არცთუ ისე იოლი საქმე იყო. მოსახლეობა ვერ ტოვებდა წინაპრების საძვალეებს, საუკუნე-

ბით ნაპატრონებ მამულს. სოფელ წაბლანიდან მოსახლეობის მასობრივად გაყვანას ბათუმის ტურისტულ ბაზებსა და სანატორიუმებში, ერთი ბავშვის სიცოცხლე ემსხვერპლა.

ქვეყნის ღირსეული ადამიანები ყველაზე მეტ ყურადღებას სხალთის ხეობელებს, კერძოდ, წაბლანელებს აქცევდნენ. მრავალს კარგად ახსოვს სხალთის თემის მაშინდელი ხელმძღვანელის იზოლდა სურმანიძის თანადგომა დაზარალებულნი მეზობლების მიმართ. ჯერ, 48 დღის განმავლობაში, მიწაში ჩამარხულთა ძეხნის სამუშაოებში იყო ჩართული, შემდეგ კი ორი თვის განმავლობაში წაბლანელებს ყველა ის ტერიტორია შემოატარა, რომლებსაც ქვეყნის მაშინდელი ხელისუფალი სტიქიისგან დაზარალებულებს სთავაზობდა. მისი ინიციატივაც იყო, რომ წაბლანელებმა არჩევანი ბოლნისის რაიონის სოფელ დისველზე შეაჩერეს. ეს ტერიტორია გაჩანაგებული და მიტოვებული იყო. სწორედ 1989 წლიდან ახალი სიცოცხლე დაიწყო ძირძველმა ქართულმა სოფელმა, რაც წაბლანელების დამსახურებაა.

ყველა იზიარებდა თანამომეტა ტკივილს, მაგრამ რაც იზოლდა სურმანიძემ, შემდეგ წაბლანის სკოლის ახლანდელმა დირექტორმა გულნარა შანიძემ გადაიტანეს, ენით უთქმელია.

„ერთიანი ნაციონალური მოძრაობის“ რეჟიმმა გაწეული ამავის დაფასების ნაცვლად, იზოლდა სურმანიძის დევნაც კი დაიწყო, მაგრამ „სამართალმა პური ჭამა“... 2012 წლიდან მოყოლებული, იზოლდა ისევ მეზობლების სამსახურშია. 4 წლის განმავლობაში ხულოს მუნიციპალიტეტის საკრებულოს წევრაც იყო. აქტიურადაა ჩართული იმ პროგრამებისა და

პროიქტივების შესრულებაში, რაც ხულოსა და სხალთა-ხიხანის მოსახლეობის წინაშე დგას. გაწეული დიდი შრომის დაფასება, რომ მას „საპატიო ხულოელის“ წოდება მიანიჭეს და აბუსერისძე ტბის მუნიციპალური პრემია გადასცეს. 7 ათეულ წელს გადაცილებული მშობლიურ კუთხეს ვერ ელევა. საოჯახო სასტუმრო გახსნა, სხალთის შერიფ ხიმშიაშვილი კი ისაა, რომ 2013 წლის ივლისში წინაპრების ძირძველ მრწამსს დაუბრუნდა. მის საოჯახო არქივში საპატიო ადგილი უჭირავს 1989 წლის 29 მაისს პატრიარქთან გადაღებულ ფოტოებს და პატრიარქის მიერ ნაჩუქარ წიგნებს.

იზოლდას ამავს არც დისველეები ივიწყებენ. იმ დროს, როცა დისველში წმინდა ანდრია პირველწოდებულის ტაძარი იკურთხა, იზოლდა ემიგრაციაში იყო. იქიდან დაბრუნებული, ბოლნისის ეპარქიის მღვდელმთავარ მეუფე ეფრემს ეახლა და მისი ლოცვა-კურთხევით, თანახმობელებს მართლმადიდებელი სალოცავის ამოქმედება მიულოცა. ისიც აღსანიშნავია, რომ დისველი და მუხროვანი ის აღორძინებული ქართული სოფლებია, სადაც მართლმადიდებლური ტაძრები მოქმედებს.

სტიქიისგან დაზარალებულთა მიმართ ყურადღების მხრივ იზოლდა გამოჩალისი არაა. საზოგადოებას კარგად ახსოვს აწ განსვენებული თემურ აბაშიძისა და ამჟამად მოქმედი პარლამენტარის ანზორ ბოლქვაძის ინიციატივა - ღურტასა და ჩანჩურხევში სტიქიისგან დაღუპულთა უკვდავსაყოფად მემორიალური დაფების გაკეთება, რომელიც შუახევში, კერძოდ კი ხაბელაშვილებში დაამზადეს. და ეს იმ დროის შემდეგ, როცა წინა საუკუნის 90-იანი წლების მეორე ნახევრიდან მრავალმა საერთოდ მივიწყა ღურტასა და წაბლანაში დატრიალებული ტრაგედიები, რეგიონის პირველი პირებიც აღარ მიდიოდნენ ხსოვნის მიტინგებზე... ახლა ღურტასა და წაბლანაში (ჩანჩურხევში) შესანიშნავი მემორიალთა გაკეთებული. გაწეული შრომა უნდა დაუფასდეს ხულოს მუნიციპალიტეტის ყოფილ გამგებელს, ხულოელთა დელეგატს აჭარის ავტონომიური რესპუბლიკის უმაღლეს საბჭოში ვახტანგ ბერიძეს.

წაბლანის ტრაგედიიდან ათი წელიც არ იყო გასული, როცა კარას მთიდან წამოსულმა მეწყერმა სატბაოს უბანში, ბათუმი-ახალციხის საავტომობილო მაგისტრალის ახლოს, 1998 წლის 18 აპრილს 6 ადამიანი იმსხვერპლა. ჩანჩურხევში სამი, ხოლო სატბაოში 2 ადამიანის ცხედარს ველარ მიაგნეს. ვახტანგ ბერიძის ინიციატივით, სატბაოს უბანში მემორიალთან ერთად, მეხორუმეთა ქანდაკება გაკეთდა, რომელიც შარშან, „ტბელობის“ სახალხო დღესასწაულზე გაიხსნა. წელსაც, ტრადიციისამებრ, 18 და 19 აპრილს სატბაოსა და ჩანჩურხევში სტიქიისგან განწირულთა ახლობლები შეიკრიბებიან. ხსოვნის მიტინგებზე რეგიონის, ადგილობრივი თვითმმართველობის წარმომადგენლები, ღვთისმსახურები კიდევ ერთხელ მიაგებენ პატივს დაღუპულებს. სხალთის ტაძარსა და სხალთის ეპარქიის სხვა ტაძრებში მათი სულების უკვდავსაყოფად, სანთლებს დაანთებენ და ლოცვებში მოიხსენიებენ.



მეცნიერ ბათუმელის 9 ქვეპროგრამის ფარგლებში მომსახურება

წელს ადგილობრივი ბიუჯეტი ჯანდაცვისა და სოციალური მიმართულებით უპრეცედენტოდ - 30 მილიონ ლარამდე გაზრდილი. მუნიციპალიტეტი ამ მიმართულებით წარმატებით ახორციელებს 9 ქვეპროგრამას. გადაწყვეტილი, მოსახლეობას უფრო დეტალურად მივაწოდოთ ინფორმაცია მერიის პროგრამებზე, რათა შეძლონ ამ სივრცეებით სარგებლობა. ერთიკა: ექიმმა უნდა იცოდეს ამ პროგრამების შესახებ და მასთან მისული პაციენტი თავად დააგვიზიაროს

მნიშვნელოვანია, რომ ბათუმელებს, საქართველოსა და აჭარის ჯანდაცვის სამინისტროების პროგრამებთან ერთად, ხელი მიუწვდებოდნენ მერიის ჯანდაცვის პროგრამებზე. არ არსებობს ასაკი, კატეგორია, სტატუსი, ვისზეც პროგრამები არ არის მორგებული. დღეს მედიკამენტებით უზრუნველყოფის პროგრამის შესახებ ვისაუბრებთ, რომელიც 7 ლონისძიებისგან შედგება და 10721-მდე ბათუმელი სარგებლობს.

ბათუმის მერიის ჯანმრთელობისა და სოციალური დაცვის სამსახურის პოლიტიკის განყოფილების უფროსი მარინა რუხაძის განმარტებით, ძალიან დიდი მოთხოვნა მოწყვლადი სოციალური კატეგორიებისა და ქრონიკული დაავადების მქონე პირთა მედიკამენტებითა და ჯანმრთელობისთვის საჭირო საკვები დანამატებით უზრუნველყოფის პროგრამით სარგებლობაზე. ამისთვის წელს ადგილობრივი ბიუჯეტში 2 038 000 ლარია გათვალისწინებული. ქვეპროგრამის ბენეფიციართა საერთო რაოდენობა შარშან 10 212 იყო, წელს კი ეს ციფრი 10 721-მდე გაიზარდა.



მარინა რუხაძის თქმით, პროგრამის ფარგლებში მომსახურება გაეწევა ბათუმში 2025 წლის 1 იანვრამდე რეგისტრირებულ პირებს.

ბრონქული ასთმით და ფოთით (ფილტვის ქრონიკული ობსტრუქციული დაავადება) დაავადებული 18 წლამდე ასაკის პირები სტატუსის გარეშე ჩაერთვებიან მედიკამენტებით უზრუნველყოფის ღონისძიებაში, ხოლო 18 წლის ზემოთ ამით ისარგებლებენ შშმ პირები, ასაკით პენსიონერები და სოციალურად დაუცველი პირები (100 000 ჟულამდე).

დანმარება გაეწევა (ვაუჩერის სახით) იმ ოჯახებს, რომელთაც ჰყავთ სამი და მეტი შშმ სტატუსის მქონე პირი (დანმარება გაიცემა თითოეულ შშმ სტატუსის მქონე პირზე).

შაქრიანი დიაბეტით დაავადებულ, სოციალურად დაუცველ 100001-მდე სარეიტინგო ქულის მქონე, ასევე, შშმ პირებს და ასაკით პენსიონერებს გლუკომეტრის ჩხირების შესაძენად, წელიწადში ერთხელ მიეცემათ 100 ლარის ღირებულების ვაუჩერი.

მედიკამენტების შესაძენად მომსახურება გაეწევა ბათუმში 2025 წლის 1 იანვრამდე რეგისტრირებულ საქართველოს შემდეგ მოქალაქეებს: სოციალურად დაუცველი ოჯახების მონაცემთა ერთიან ბაზაში რეგისტრირებულ ოჯახის წევრებს, რომლებსაც მინიჭებული აქვთ 100 000-ის ჩათვლით სარეიტინგო ქულა, შშმ პირებს, ომის ვეტერანებს, ტერიტორიული მთლიანობისათვის ომის მონაწილეებს, ომში დაღუპულთა ოჯახის წევრებს (დედა, მამა, მეუღლე, შვილები), მრავალშვილიანი (18 წლამდე ასაკის 5 და მეტი შვილი) ოჯახის წევრებს, ძალადობის მსხვერპლ პირებს, სავარაუდო ძალადობის მსხვერპლ ბავშვებს 18 წლის ჩათვლით (სოციალური მუშაის რეკომენდაციით), მარტოხელა მშობლებს და მათ შვილებს, ასევე, მარტოხელა ასაკით პენსიონერებს, რომელთა დანმარების საჭიროებას დაადასტურებენ ადმინისტრაციული სერვისცენტრების მენეჯერები. ჩამოთვლილ ბენეფიციარებს დაუფინანსდებათ მედიკამენტური მკურნალობა არა უმეტეს 200 ლარისა წლის განმავლობაში. იმ შემთხვევაში, თუ ოჯახში არის ორი შშმ პირი, ორი ვეტერანი, სოციალურად დაუცველი და შშმ პირი ან ვეტერანი, შშმ პირი და ვეტერანი ერთდროულად, თითოეულს მიეცემა შესაბამისი რაოდენობის 200 ლარის ღირებულების ვაუჩერი, - განაცხადა მარინა რუხაძემ.

ლონისძიებაში ჩასართავად ბენეფიციარმა უნდა წარმოადგინოს შემდეგი დოკუმენტები: განცხადება, პირადობის დამადასტურებელი მოწმობა, სოციალურად დაუცველი ოჯახების მონაცემთა ერთიან ბაზაში რეგისტრირების ან სტატუსის დამადასტურებელი მოწმობა (ასეთის არსებობის შემთხვევაში), ცნობა ჯანმრთელობის მდგომარეობის შესახებ - ფორმა IV-100/ა, ანგარიშ-ფაქტურა აფთიაქიდან თანხისა და მედიკამენტების რაოდენობის მითითებით, ა(ა)იპ „მუნიციპალური სერვისების სააგენტოს“ მიერ გაცემული მოკლევადიანი (საჭიროების შემთხვევაში), თანხის გადარიცხვა განხორციელდება ანგარიშ-ფაქტურაზე მითითებული აფთიაქის საბანკო ანგარიშზე.

18 წლამდე ასაკის ფენილკეტონურიით დაავადებულ პირთა, ასევე, ჰომოციტინურიით, ცელიაკით, გალქტოზემიით და მუკოვიციდოზით დაავადებულ პირთა და 18 წლის ასაკის ზემოთ ფენილკეტონურიით დაავადებულ პირთა მატერიალური დანმარების ღონისძიებებში ჩასართავად, ბენეფიციარმა მერიაში განცხადება, პირადობის დამადასტურებელი მოწმობა, სოციალურად დაუცველი ოჯახების მონაცემთა ერთიან ბაზაში რეგისტრირების ან სტატუსის დამადასტურებელი მოწმობა (ასეთის არსებობის შემთხვევაში), ცნობა ჯანმრთელობის მდგომარეობის შესახებ - ფორმა IV-100/ა და საბანკო რეკვიზიტები უნდა წარადგინოს.

მანანა ტაპიძე

ლია მახარაძე: არ არსებობს მსუბუქი ნარკოტიკი! ალამიანი ან ახერხებს ალკატორდეს გარემოსთან ფხიზელ მდგომარეობაში, ან...

თანამედროვე მედიცინა ოპიოიდებზე დამოკიდებულებას ახუ ოპიოიდურ ნარკოზინას განიხილავს როგორც ქრონიკულ დაავადებას, რომელიც რემისიებითა (ნათელი პერიოდები) და რეციდივებით (გამწვავებები) მიმდინარეობს. არსებობს ამ დაავადების მკურნალობის სხვადასხვა მეთოდი, რომლებიც ორ ძირითად ჯგუფად ერთიანდება: ნარკოტიკების გარეშე ცხოვრებაზე ორიენტირებული თერაპია და მხარდამჭერი მკურნალობა, ანუ ჩანაცვლებითი თერაპია

არაოფიციალური მონაცემებით, წლებია, ჩვენს ქვეყანაში ნარკოდამოკიდებულ პირთა რიცხვი 50 000-ს აღწევს და მათგან რაც უფრო მეტი მომხმარებელი ჩაერთვება ჩანაცვლებით პროგრამაში, მით უფრო გამართლებული იქნება სახელმწიფოს ნარკოპოლიტიკა ჩანაცვლებით თერაპიასთან მიმართებაში.

საზოგადოებისთვის და, განსაკუთრებით, დამოკიდებული პირების ოჯახის წევრებისა და ახლობლებისთვის ყველაზე მისაღებია მკურნალობის ისეთი მეთოდები, რომლებიც თავიდანვე ორიენტირებულია ნარკოტიკების მიღების შეწყვეტაზე. სამწუხაროდ, მრავალწლიანმა საერთაშორისო გამოცდილებამ აჩვენა, რომ ასეთი მკურნალობის ეფექტიანობა არც ისე მაღალია.

ჩანაცვლებითი თერაპია პირველად ამერიკის შეერთებულ შტატებში შემოიტანეს გასული საუკუნის 60-იან წლებში, ამჟამად კი ფართოდ არის დანერგილი მსოფლიოში. ამ პროგრამის ფართოდ გავრცელებას განსაკუთრებული ბიძგი მისცა აივ/შიდსის ეპიდემიამ, ვინაიდან აღნიშნული მკურნალობა ნარკოტიკებზე დამოკიდებულ პირებში ინიციატორი გზით აივ/შიდსისა და ჰეპატიტების გავრცელების შეზღუდვის ერთ-ერთი ძირითადი საშუალებაა.

საქართველოში ჩანაცვლებითი თერაპიის პროგრამა პირველად 2004 წელს, გლობალური ფონდის დაფინანსებით, განხორციელდა. აღნიშნული პროგრამა განკუთვნილი იყო რამდენიმე ათეული პაციენტისთვის და სრულად ფინანსდებოდა გლობალური ფონდის მიერ. პროგრამის ეფექტიანობიდან გამომდინარე, გარკვეული პერიოდის შემდეგ, 2008 წლიდან, ჩვენს ქვეყანაში ამოქმედდა მეტადონით ჩანაცვლებითი თერაპიის პროგრამა, რომელიც ხორციელდებოდა სახელმ-

წიფო პროგრამის ფარგლებში თანდაფინანსების პრინციპით (პაციენტისა და სახელმწიფოს თანამონაწილეობით).

მეტადონით ჩანაცვლებითი თერაპიის პროგრამა არასდროს ყოფილა კერძო პროგრამა, მისი განმახორციელებელი ყოველთვის იყო ჯანდაცვის სამინისტრო. 2017 წლის ზაფხულიდან გაუქმდა თანდაფინანსების პრინციპი და აღნიშნული სახელმწიფო პროგრამა პაციენტებისთვის გახდა აბსოლუტურად უფასო, ამიტომაც მყისიერად გაიზარდა პროგრამაში ჩართულ ბენეფიციართა რიცხვი და ხაზგასმით უნდა აღინიშნოს, რომ გაიზარდა არა ნარკოტიკების დამწეები მომხმარებლების ხარჯზე, არამედ ხანგრძლივი მოხმარების გამოცდილების მქონე იმ პირების ჩართვის შედეგად, რომლებიც უსახსრობის გამო აქამდე ვერ სარგებლობდნენ პროგრამით.

აღსანიშნავია ის ფაქტი, რომ 2017 წლის აპრილში გაიხსნა „ბათუმის ნარკოლოგიისა და ფსიქოსოციალური რეაბილიტაციის ცენტრი“, სადაც პაციენტს შესაძლებლობა აქვს, თვითდაფინანსებით მიიღოს პრეპარატი, რომელიც მეტადონზე მსუბუქი და, როგორც ნარკოლოგმა ლია მახარაძემ გვითხრა, ხანგრძლივმოქმედი. აღნიშნულ ჩანაცვლების პროგრამაზე ქალბატონ ლიას ვესაუბრეთ. ის 2007 წლიდან 2017 წლამდე ბათუმში მეტადონის ჩანაცვლების პროგრამას ხელმძღვანელობდა, ამჟამად კი ბათუმის „ნარკოლოგიისა და ფსიქოსოციალური რეაბილიტაციის ცენტრში“ მუშაობს. „მედიცინაში 1988 წლიდან ვმუშაობ, თავიდან ზოგადი პროფილის ექიმი ვიყავი - სასწრაფო დახმარების სადგურში ვმუშაობდი. ნარკოლოგიით 2001 წლიდან დავინტერესდი. 2007 წლიდან მეტადონის ჩანაცვლების პროგრამას ვუწევდი კოორდინაციას. ეს იყო საბილოტე პროგრამა. საქართველოში პირველი რეგიონი ვიყავით, ქვეყნის მასშტაბით კი მესამე, მანამდე დედაქალაქში უკვე მოქმედებდა 2 ცენტრი. შემდეგ თანდათან გაფართოვდა, ახლა უკვე სახელმწიფო პროგრამაა და საკმაოდ ფართოა. 2017 წლიდან ვარ კერძო ჩანაცვლების პროგრამაში ბათუმის „ნარკოლოგიისა და ფსიქოსოციალური რეაბილიტაციის ცენტრში“, - გვითხრა ლია მახარაძემ.

- ქალბატონო ლია, გვაღიზიანებს, რომ ინტერვიუზე დაგვთანხმდით. წლებია, ნარკოლოგად მუშაობთ. სტატისტიკურად, წლების



განმავლობაში მომართვიანობამ იმატა თუ იკლო?

- რაც ნარკოლოგიაში ვარ, თამამად შემიძლია ვთქვა, რომ ცენტრში მომართვიანობა ერთნაირია, მაგრამ, ამის მიუხედავად, ზოგადსიტუაციას მაინც ვერ განსაზღვრავ, უპირველესად იმიტომ, რომ ჩვენი მომსახურება ფასიანია, პაციენტს უნდა ჰქონდეს გადახდის უნარი, პრეპარატი რომ მიიღოს. ამ ეტაპზე, 800-ზე მეტი მომხმარებელი გვყავს. ოღონდ ყოველდღიურად ეს რაოდენობა არ დადის - მხოლოდ 100-150 პაციენტი. პრეპარატი ხანგრძლივმოქმედი და იძლევა იმის საშუალებას, რომ ყოველ მე-3 დღეს მიიღო. ზოგი ახერხებს ამას და ექიმთან შეთანხმებით დღე-ამოშვებით მოიხმარს. ამჟამად ძირითადი, რასაც ცენტრში ვაკეთებთ, ჩანაცვლების თერაპიაა. ეს არის „ბუპრონორფინისა“ და „ნალოქსონის“ კომბინირებული პრეპარატი, რომელიც განსხვავდება მეტადონისგან. ეს პრეპარატი სახელმწიფო პროგრამის ფარგლებში არ არის ხელმისაწვდომი, მხოლოდ იმ შემთხვევაში ენიშნება პაციენტს, თუ მეტადონზე უკუჩვენება ექნება, რადგან უფრო ძვირად ღირებულია.

- თქვენთან მოსული პაციენტის ვინაობა

კონფიდენციალურია?

- საერთოდ, პაციენტის ვინაობა კონფიდენციალურია, მაგრამ სახელმწიფო რასაც აფინანსებს, მათ ანგარიში აქვთ ჩასაბარებელი, ვის, როგორ, რამდენი, რანაირად ჩაბარდა პრეპარატი. ჩვენ ეს ვალდებული ვართ გვაქვს. აქ მოსულ პაციენტს ენიჭება სპეციალური კოდი და სწორედ დასული მონაცემით შეგვყავს ბაზაში, მისი პირადი ინფორმაცია კი ინახება სხვა, სხვებისთვის მიუწვდომელ საქაღალდეში. ამ ინფორმაციის მოპოვება მხოლოდ განცხადების ან სასამართლოს გზით შეიძლება.

- ხშირად საუბრობენ, რომ პაციენტებს ადგილზე მისაღები აბი/პრეპარატი შენობის გარეთ გააქვთ და ინექციის სახით იკეთებენ. რამდენად კონტროლდება ეს პროცესი?

- თავიდანვე აღვნიშნავ, რომ სახელმწიფო და არასახელმწიფო პროგრამების რეგულაციებით არ განსხვავდება. კი, იყო პერიოდი, პრეპარატი შენობიდან გადიოდა. ეს უფრო კოვიდპანდემიის დროს ხდებოდა, როდესაც რამდენიმე ადამიანის ერთ შენობაში გაჩერება იკრძალებოდა, დღეს კი რეგულაციები გამკაცრებულია. ამ ეტაპზე შენობიდან პრეპარატი მხოლოდ ექიმის დანიშნულების საფუძველზე გადის. თუ პაციენტი სამედიცინო დაწესებულებაში მკურნალობს, ადგილზე მივდივართ და პრეპარატს მედდისონალს ვაბარებთ, მაგრამ თუ პაციენტს სახლში დანიშნული აქვს წლითი რეჟიმი, ან ჩვენ მიგვაქვს, ან მინდობილ პირს გადავცემთ და ისიც - ერთი დღის დოზას. ახლა წარმოიდგინეთ, როგორ შეიძლება გავაკონტროლოთ, შემდეგ პრეპარატი რა სახით მიიღო პაციენტმა? ჩვენი ერთადერთი ბერკეტი, როდესაც თვეში ერთხელ სისხლს აბარებენ და ანალიზში სხვა პრეპარატი ამოუვიდა, გაფრთხილება მივცეთ. ეს შეიძლება „ქუჩის“ ნარკოტიკი იყოს, განმეორების შემთხვევაში, გაფრთხილების შემდეგ, კომისია იქმნება, რომელიც მსჯელობს ამ პიროვნების პროგრამიდან გაშვებაზე. პაციენტს პროგრამიდან იშვიათად ვუშვებთ, რადგან ჩვენგან რომ წავა, რა ბედი ეწევა, არავინ იცის. მხოლოდ დისციპლინას ვინც არღვევს, იმ პირის გაშვება გვიწევს - თუ წამლის გატანა სცადა ან იჩეუბა და სხვას ცუდი მაგალითი მისცა.

იხ. მე-9 გვ.



გულნარა დიასამიძის ცხოვრებისეული გზა და მთავარი გამარჯვება

თვლის, რომ ნებისმიერი გამოწვევა საუკეთესო გამოცდილებაა და თუ იბრძვი, თუ გწამს, აუცილებლად მიაღწევ წარმატებას. სწორედ, დაუღალავმა შრომამ, ბრძოლის-უნარიანობამ, განვითარებასა და ინოვაციაზე მუდმივმა ორიენტირებამ განაპირობა ის, რომ დღეს ბათუმში ერთ-ერთი წარმატებულ სტომატოლოგიურ კლინიკას ფლობს, რომელიც 2001 წლიდან არ კარგავს საზოგადოების ნდობას

გაზეთ „აჭარის“ სტუმარი ბათუმელი ექიმი, არაჩვეულებრივი დედა და ბებია, „დენტალ-უქსის“ დამფუძნებელი და დირექტორი **გულნარა დიასამიძე**, რომელიც პროფესიაზე, საკუთარ კლინიკაზე, თავის ოჯახსა და სამომავლო გეგმებზე გვესაუბრა. მისი ისტორიები, ცხოვრებისეული გზა გულგრილს არავის დატოვებთ და კიდევ ერთხელ გაგარძნობინებთ, რომ უნდა გჭეროდეთ საკუთარი შესაძლებლობების და ბრძოლაში, რომელსაც მიზნების მისაღწევად წამოიწყებთ, შემგვიდრმა ბარიერებმა არ უნდა დაგაბრკოლოთ.

- ქალბატონო გულნარა, მოგვიყვით ბავშვობაზე, პროფესიაზე...

- დავიბადე და გავიზარდე ბათუმში. ოქროს მედალზე დავამთავრე ბათუმის №2 ფიზიკა-მათემატიკის სკოლა-ინტერნატი. სწავლა გავაგრძელე მოსკოვის სახელმწიფო სამედიცინო სტომატოლოგიურ უნივერსიტეტში, ამავე უნივერსიტეტის ორთოპედიული სტომატოლოგიის კათედრაზე გავიარე ორდინატურა.

- მაშინ, როდესაც ფიზიკა-მათემატიკური სკოლა წარმატებით დამთავრეთ, რატომ აირჩიეთ სტომატოლოგია?

- მართალია, მშობლებმაც მირჩიეს, მაგრამ, შეიძლება ითქვას, ექიმობა ჩემი ბავშვობის ოცნება გახლდათ. ყოველთვის მინდოდა ადამიანების განმრთელობაზე ზრუნვა. სტომატოლოგია მედიცინის ერთ-ერთი ყველაზე ტექნიკურად განვითარებული დარგია, მასში უდიდესი მნიშვნელობა აქვს დეტა-



ლებს, სიმეტრიას, პროპორციას ეს, გარკვეულწილად, მათემატიკურ და ლოგიკურ აზროვნებას მოითხოვს. სტომატოლოგია ის სფეროა, სადაც მეცნიერება, ტექნოლოგია და ხელოვნება ერთიანდება, გაძლევს შესაძლებლობას, პრაქტიკული ცოდნა გამოიყენო და შენი შრომის შედეგი პაციენტების ღირსებაში ნახო. სტომატოლოგია მხოლოდ კბილების მკურნალობა არ არის, ის ხელოვნებაა, რომელიც უშუალოდ ცვლის ადამიანის ცხოვრებას. ეს ყველაფერი ჩემთვის უდიდესი მოტივაცია გახდა, რამაც საბოლოოდ დამარწმუნა, რომ სტომატოლოგია იყო სწორი არჩევანი და გზა, რომლისთვისაც ბოლომდე უნდა მეერთგულა. რაც შეეხება პროფესიული განვითარების ეტაპებს, 1983-2000 წლებში ვმუშაობდი ბათუმის სტომატოლოგიურ პოლიკლინიკაში, სადაც გავიარე კარიერული გზა ექიმიდან მთავარ ექიმამდე. ამ პერიოდში მივიღე პროფესიული მომზად-

ლება, შევიძინე ხელმძღვანელობის უნარები და პაციენტებთან ურთიერთობის პრაქტიკა, რამაც მომავალში დამოუკიდებელი საქმიანობისკენ მიმიძღვა.

- როგორ დაფუძნეთ კომპანია და განვითარების რა ეტაპები გაიარეთ?

- როგორც ზემოთ აღვნიშნე, სტომატოლოგიურ პოლიკლინიკაში მთავარ ექიმად მუშაობის პერიოდში მიგზავდი, რომ სურვილი მქონდა, დამოუკიდებლად გამეგრძელებინა საქმიანობა და ახალი სტანდარტები დამენერგა. 2001 წელს დაფუძნეთ ერთ-ერთი პირველი კერძო სტომატოლოგიური კლინიკა ქალაქ ბათუმში. მომხმარებელზე ორიენტირებულმა, ხარისხიანმა მომსახურებამ, პაციენტების უპირობო ნდობამ მოგვცა საშუალება, გავფართოებულიყავით და დღეისათვის „დენტალ-უქსი“ აერთიანებს სამ ფილიალს, ასევე, დიპლომის შემდგომი განათლების სასწავლო ცენტრს, რომელსაც მინიჭებული აქვს ISO 9001 საერთაშორისო ხარისხის სერტიფიკატი, რაც ადასტურებს ჩვენი მომსახურების მაღალ საერთაშორისო სტანდარტებს. გარდა ამისა, წლების განმავლობაში, ჩვენი გუნდის პროფესიონალობაში სხვადასხვა საერთაშორისო თუ ადგილობრივი ჯილდოებითაა აღიარებული, რაც ჩვენთვის უდიდესი მოტივაციაა.

- როგორ ფიქრობთ, რა არის მიზეზი, რომ მომხმარებელი წლებია, გიცხადებთ ნდობას?

- ჩვენთვის ნდობა ყველაზე მნიშვნელოვანია. ვმუშაობთ ეთიკისა და პროფესიონალიზმის უმაღლესი სტანდარტებით. პაციენტისთვის მხოლოდ მკურნალობა არ არის საკმარისი, მნიშვნელოვანია ინდივიდუალური მიდგომა, ემოციური კომფორტი და განცდა, რომ მათზე ზრუნავენ. ეს პრინციპი ჩვენთვის ყოველთვის პრიორიტეტული იყო და ვფიქრობ, სწორედ ამან განაპირობა ჩვენი ხანგრძლივი წარმატება.

- როგორც ვიცით, მთელი ოჯახი ჩართული ხართ სტომატოლოგიურ საქმიანობაში, მოგვიყვით თქვენს გუნდსა და მთავარ პრი-

ორიტეტზე...

- დიას, სტომატოლოგია ჩვენთვის არა მხოლოდ პროფესიაა, არამედ ცხოვრების წესია. ჩემი შვილები და რძალი, ასევე, ექიმი სტომატოლოგები და ჩვენი გუნდის მნიშვნელოვანი წევრები არიან. ჩვენთვის ყველაზე მნიშვნელოვანია მაღალი ხარისხის მომსახურება, მუდმივი განვითარება და ინოვაციებზე ორიენტირება. „დენტალ-უქსის“ გუნდი შედგება გამოცდილი და ახალგაზრდა სპეციალისტებისგან, რომლებიც რეგულარულად გადიან პროფესიულ ტრენინგებს როგორც საქართველოში, ასევე უცხოეთში. ეს გვაძლევს საშუალებას, ვიყოთ თანამედროვე სტომატოლოგიის ავანგარდში და შევთავაზოთ პაციენტებს საუკეთესო შედეგზე ორიენტირებული მომსახურება.

- გვიაზნებთ თქვენს პედაგოგიურ მოღვაწეობაზე...

- ჩემი პროფესიული კარიერის ერთ-ერთი უმნიშვნელოვანესი ეტაპი პედაგოგიური საქმიანობა იყო. როგორც სტომატოლოგიის სფეროს სპეციალისტი, ყოველთვის ვცდილობდი, არა მხოლოდ პრაქტიკაში დამემკვიდრებინა თავი, არამედ ჩემი ცოდნა და გამოცდილება ახალგაზრდა თაობისთვისაც გამეზიარებინა. პედაგოგიური მოღვაწეობა ბათუმის სახელმწიფო უნივერსიტეტში დავიწყე, სადაც აქტიურად ვმონაწილეობდი სტომატოლოგიური ფაკულტეტის ჩამოყალიბებაში. ეს იყო ერთ-ერთი ყველაზე საპასუხისმგებლო და საინტერესო პერიოდი ჩემს კარიერაში. უნივერსიტეტში მუშაობის განმავლობაში გხელმძღვანელობდი სტუდენტთა თეორიულ და პრაქტიკულ სწავლებას, ვატარებდი ლექციებსა და სემინარებს, გხელმძღვანელობდი კურსის და სადიპლომო ნაშრომებს. ჩემი მიზანი ყოველთვის იყო, სტუდენტებს არა მხოლოდ თეორიული ცოდნა მიეღოთ, არამედ პრაქტიკული უნარებიც განე-ვითარებინათ, რაც მომავალ საქმიანობაში გამოადგებოდათ. დროთა განმავლობაში მიგზავდი, რომ პროფესიული განვითარების პროცესი უწყვეტია და სამედიცინო განათლებაში მუდმივი განახლება და დახვეწა აუცილებელია. სწორედ ამ პრინციპით დავაფუძნე

იხ. მე-9 გვ.

ფუტკრების მებოხარი – მაკა კახიძე

მეფუტკრეობა ძალიან საინტერესო საქმიანობაა. ის სიფრთხილეს, მოთმინებასა და ბუნებასთან შარმონიულ ურთიერთობას მოითხოვს. მეფუტკრეები ოდიოგანვე, ძირითადად, მამაკაცები იყვნენ, თუმცა დღეს ქვეყანაში გვყავს მეფუტკრე ქალებიც, რომლებიც შრომითა და მონდობით ამ დარგის განვითარებაში საკუთარ სიტყვას ამბობენ, მათგან ერთ-ერთი **მაკა კახიძე**.

- რატომ დაინტერესდით მეფუტკრეობით?

- ჩემს მეუღლეს სამოყვარულო დონეზე ჰყავდა ფუტკარი და მეც დავინტერესდი, თუმცა თავიდან მათი ძალიან მეშინოდა, რადგან ფუტკრებთან ურთიერთობა ჩემთვის სიახლე იყო. შემდეგ შიშიც დაავდლი და ამ საქმეს მოგვიდევ ხელი.

- გახსოვთ პირველი დღე სკებთან?

- ერთ დღეს მეუღლემ თავლის ხილვის პროცესში მთხოვა დახმარება და ეს იმდენად საინტერესო აღმოჩნდა, რომ მალევე გადავწყვიტე, მეც ჩავართულიყავი ამ საქმეში.

- როგორია, იყო ქალი მეფუტკრე პროფესიაში, რომელიც უფრო მამაკაცურ საქმედ ითვლება?

- მთავარია, შენი პროფესია გიყვარდეს და გრძნობდე, რომ სიამოვნებას განიცდებ, არ აქვს მნიშვნელობა, რა საქმიანობა იქნება ეს და ვისთან დაკავშირებული - ქალთან თუ მამაკაცთან.

- შეგხვედრათ სტერეოტიპული დამოკიდებულება საზოგადოების მხრიდან?

- ბევრს უკვირს, რომ ფუტკრების არ მეშინია. მეფუტკრე ქალებთან დაკავშირებით უფრო მკვეთრი რეაქცია აქვთ.

- მეფუტკრეობა თქვენთვის მხოლოდ პროფესიაა თუ უფრო სულიერი კავშირია ბუნებასთან?

- ჩემს საქმესთან სიყვარული მაკავშირებს, ამავდროულად, ის ბუნებასთანაა კავშირში. მეფუტკრეობა ჩემთვის გახდა ერთ-ერთი მნიშვნელოვანი პროფესია, რომელიც ჩემი ცხოვრების გეგმებთანაა დაკავშირებული.

- როგორია თქვენი ერთი ჩვეულებრივი დღე თავლის ხილვის სეზონზე?

- თავლის ხილვის სეზონის მოსვლამდე



დღიდ მზადება და მობილიზაციაა, რადგან ეს პროცესი სირთულესთანაა დაკავშირებული. ორგანიზმის მზადყოფნა აუცილებელია, რადგან ამ დროს ფუტკარი მეტად გაღიზიანებულია და აგრესიას გამოხატავს, ამიტომ მეტი სიფრთხილე და ყურადღებაა საჭირო. ამ ეტაპზე 60 სკა გვაქვს. მათ მოვლაში მე და ჩემი მეუღლე აქტიურად ვართ ჩართულები. ფუტ-

კრის სწორად მოვლა აუცილებელი და სავალდებულოცაა, ვინაიდან ეს პროდუქტის ხარისხზე აისახება.

კრის სწორად მოვლა აუცილებელი და სავალდებულოცაა, ვინაიდან ეს პროდუქტის ხარისხზე აისახება.

- ყველაზე მეტად რა გჭირდებათ თქვენს საქმის უკეთესად წარმართვისთვის?

- მხოლოდ ტექნიკის პრობლემა გვაქვს, რომელიც გვესაჭიროება სკების სოფელში გადაყვანისთვის.

- ძირითადად, რომელი სახეობის თაფლს აწარმოებთ?

- ხილის ყვავილისგან მაისის თაფლს ვაწარმოებთ ბარში, ხოლო მთაში, ხინოწმინდაში, ნაკრძალის ტერიტორიაზე - წაბლისა და ცაცხვის თაფლს.

- რა იყო ყველაზე დიდი დაბრკოლება თქვენს გზაზე და როგორ გადალახეთ?

- როდესაც დამწყები მეფუტკრე ვიყავი, ჯერ არ მენდობოდნენ, საზოგადოება არ მიცნობდა და შესაბამისად, თაფლის რეალიზაცია ძალიან რთული იყო. მალევე გავწყვიტე ნდი აჭარის მეფუტკრეთა ასოციაციაში და მათი დახმარებით ბევრი რამ შევისწავლე, მოვიპოვე საზოგადოებაში მეტი ნდობა და პოპულარობაც.

- რას ნიშნავს თქვენთვის ფუტკარი?

- ფუტკარი ღვთიური მწერია, რომელიც კაცობრიობას ემსახურება. როგორც ერთ სიმღერაშია: „მამაზე კარგი რა უნდა იყოს, კაცს თაფლი მისცეს და ღმერთს სანთელი“.

- რას ეტყობით გოგონებს, რომლებიც ფიქრობენ ამ საქმის დაწყებაზე?

- მთავარი საქმის სიყვარული და მონდობაა, სხვა დანარჩენი თავისით მოდის, პროცესი კი იმაზე მეტად სასიამოვნოა, ვიდრე ეს შეგიძლიათ წარმოიდგინოთ.

- თქვენი აზრით, რას მატებს ქალი მეფუტკრე ამ სფეროს?

- მეტ სიხალისეს, სტიმულს და პოზიტივს.

- გეგმებზე გვიაზნებთ...

- მინდა აპის სახლის (ფუტკრის კოტეჯის) გაკეთება, სადაც ჩემს საოჯახო სასტუმროში ჩამოსულ ტურისტებს მასტერკლასებს შევთავაზებ და თაფლის ხილვის პროცესში მონაწილეობას მივალბინებ. ამასთანავე, ტურისტებს ძალიან აინტერესებთ ფუტკრის რძის წარმოებაზე და მინდა, თაფლის საწარმოც გაგაკეთო.

თამარ ლამაზაძე

როგორ შეძლო თვითნასწავლმა მხატვარმა სანაპიროს ქვაბის ამეცხველმა

ოზურგეთში მცხოვრები თვითნასწავლი მხატვარი და ხატმწერი **ალექსი ლომაძე** ნატვის უნიკალურ ტექნიკას იყენებს. მრავალფეროვანი ნამუშევრების შესაქმნელად საღებავს საკუთარი ხელით ამზადებს. რაც ყველაზე მნიშვნელოვანია, ამ საღებავის მთავარი ინგრედიენტი ქვაა

ის ტრადიციული მეთოდებითაც ხატავს, წერს ხატებს, ქმნის პორტრეტებს, პეიზაჟებს, ნატურმოკტებს და აბსტრაქციებს, მაგრამ განსაკუთრებულ ყურადღებას მაინც „ქვის საღებავით“ შესრულებული ნამუშევრები იპყრობს. მხატვარი სანაპიროზე ნაპოვნ სხვადასხვა ფერის ქვებს ჯერ ჩაქუჩით ფშვნი და აშრობს, მოგვიანებით კი ამას წებოსთან აზავებს და ამგვარად დამზადებული საღებავით საინტერესო ნამუშევრებს ქმნის. წებოსა და დაფშვნილი ქვის ნაზავი, ყოველგვარი მინარეების გარეშე, სწორედ მისი მოფიქრებულია, რომელიც ფუნჯით სხვადასხვა ზედაპირზე გადააქვს. ამ მასალით შესრულებულ ნამუშევრებს ერთგვარი ბრწყინვალეობა ახასიათებს, არასდროს ხუნდება, რესტავრაცია არ სჭირდება, პირიქით - დროთა განმავლობაში უკეთესი ხდება. ალექსი ლომაძის თქმით, ამ დრომდე არ შეხვედრია არავინ, ვინც პიგმენტების შერევის გარეშე, იგივე ტექნოლოგიით, ფუნჯითა და ქვის მტკრით ქმნის ნამუშევრებს. მის მიერ კანონიკური წესების დაცვით დაწერილი არაერთი ხატი ინახება საქართველოსა და ევროპის ტაძრებში. მხატვრის ნამუშევრები შესულია სხვადასხვა კატალოგში. განსაკუთრებით ეამყება საერთაშორისო გამოფენებში მონაწილეობა



იღიბა. აღსანიშნავია, რომ მისი ნამუშევრები - დიმიტრი ყიფიანისა და ექვთიმე თაყაიშვილის პორტრეტები მათივე სახელობის მუზეუმებში ინახება. შექმნილი აქვს, ასევე, პატრიარქ ილია მეორის პორტრეტიც, რომელიც სამების ტაძრის კედელს ამშვენებს. ახლახან, დედა ენის დღესთან დაკავშირებით, ქობულეთის მუზეუმის „ცვალებადი გამოფენების“ დარბაზში მისი პერსონალური იყო აქ დაცული, მისი აბსტრაქციაში შესრულებული ქართული, ასომთავრული, „წინაპართა ანბანი“. უნდა აღინიშნოს, რომ მუდმივ ექსპოზიციაში არცერთ ქვეყანას არ აქვს თავისი ანბანის აბსტრაქტული ნახატი.

- **ბატონო ალექსი, როდის და რატომ გაგიჩნდათ ქვისგან სხვადასხვა ფერის საღებავის მიღების სურვილი? ეს შემთხვევითი აღმოჩენა იყო თუ ხანგრძლივი და შეგნებული ძიების შედეგი?**

- ყველაფერი - ერთად... ჩემი აზრით, ნებისმიერი დამთხვევა ადამიანის ინტუიციას უკავშირდება. შემოქმედისთვის ეს რაღაც განსაკუთრებული და გამორჩეულია. იგი უფრო უმაღლეს გონს უკავშირდება.

- **ფერის შექმნა თქვენთვის პროცესი უფროა თუ შედეგი?**

- პროცესი. არასოდეს იცი, სად მიგიყვანს შემოქმედებითი პროცესი. ადამიანის სულთან მიახლოების მცდელობა - ფერი იმ პირველქმნილ მატერიას ჰგავს, რომლისგანაც ხელოვნების ნიმუში იბადება.

- **იცვლება თუ არა თქვენი ემოციური მდგომარეობა, როცა ფერებს თავად ქმნით?**

- ეს პროცესი გვეხმარება, მივუახლოვდეთ ჩვენი ცხოვრების ყველაზე დიდ საიდუმლოს: ვიპოვოთ პასუხი კითხვაზე - ვინ ვართ?

- **ქვისგან ფერის მიღებაზე გვიამბეთ...**

- შემოქმედებითი პროცესის ამ საიდუმლოს გერავის გაგუმხელ. სოციალური ქსელების მეშვეობით ხშირად ვადევნებ თვალს მხატვრებს, რომლებიც მუშაობის პროცესს გვაჩვენებენ, შემდეგ კი ყველა არაპროფესიონალი ცდილობს იგივეს გამოერებას, კომპირებას. შედეგად ვიღებთ უამრავ სპამს, რომლებსაც არაფერი აქვს საერთო ხელოვნებასთან. ხელოვნება დაბადებასავით საკრალური პროცესია. არაა აუცილებელი, მას ყველა ადევნებდეს თვალს, თუმცა დღეს ესეც დაუფარავი და, ზოგჯერ, საჭაროა... რასაც ხელოვანი პოულობს თავისი ინტუიციური ძიების დროს, მხოლოდ მისი და შემოქმედის ნებაა.

- **როდესაც ნახატს უყურებთ, გახსენდებათ თითოეული ქვა, რომლითაც კონკრეტული ფერი შექმენით?**

- ზოგიერთი მახსოვს.

- **თქვენი ნამუშევრები აბსტრაქტული და სიურრეალისტურია... გქონიათ შემთხვევა, როდესაც ქვის დაფშვნამ ნახატის სიუჟეტი გიკარნახათ?**

- ამას სხვა ვიბრაციები განაპირობებს, ქვის დამუშავება მხოლოდ მექანიკური პროცესია.

- **შეიძლება თუ არა, ქვით მიღებული ფერები უფრო სიცოცხლით სავსე იყოს, ვიდრე ქარხნული პიგმენტით მიღებული?**

- ქვის ფერები გაცილებით ნათელი და მკვეთრია. დღე-ღამის სხვადასხვა პერიოდში სხვადასხვანაირად ანათებს. ფერის ცვალებადობას განათება განაპირობებს, გარემო, რომელშიც ნამუშევარია მოთავსებული.

- **გაქვთ თუ არა ნახატი, რომელიც გამორჩეულად გიყვართ?**

- არა.

- **ხატმწერიც ბრძანდებით... იგი მხატვრობის უმაღლესი ფორმაა თუ უფრო სულის მსახურება, ვიდრე ხელოვნების?**

- ეს „მსახურება“ სულისკენა მიემართება და ხელოვნებისკენაც.


- **ხატწერაში ფერის ტექნიკა უფრო ტრადიციას ემორჩილება, ვიდრე ექსპერიმენტს - როგორ უყურებთ ამ განსხვავებას?**

- შემოქმედებითი პროცესი ერთი დიდი ექსპერიმენტია, თუ ასე არაა, მაშინ იგი ოდენ ხელოსნობაა.

- **გქონიათ თუ არა სურვილი, რომ ხატებიც თქვენივე შექმნილი ფერებით დაგწერათ?**

- ამას უკვე ვაკეთებ. ქვის პიგმენტის შექმნა მხოლოდ უმაღლეს ნიშანს - ხატწერას ემსახურება, ზოგჯერ განსაკუთრებით ღვაწლმოსილი ადამიანების პორტრეტების შექმნასაც. ამგვარი საღებავის შექმნა დიდი ფიზიკური და სულიერი შრომის შედეგია.

- **ბუნება ყველაზე დიდი მხატვარია... რას სწავლობთ მისგან?**



- ცხოვრების სიბრძნესა და სილამაზეს.

- **თქვენი საყვარელი ფერი?**

- და თქვენი?

- **შეკვეთით თუ ხატავთ?**

- მხოლოდ ხატებს ვწერ შეკვეთით.

- **იცით ვინმე, ვინც მსგავს ტექნიკას იყენებს?**

- ვიმოგზაურე, ბევრი მუზეუმი და გამოფენა დავათვალიერე, მაგრამ მსგავსი ტექნიკით შესრულებული ნახატები არ მინახავს. იქნებ ვინმე მუშაობს კიდევ მსგავსი მეთოდით, მაგრამ მე არ შემხვედრია.

- **გამოფენებზე გვიამბეთ...**

- საქართველოშიც და საზღვარგარეთაც არაერთ გამოფენაში მივიღე მონაწილეობა. ვიმოგზაურე ევროპაში, გმონაწილეობდი ჯგუფურ ექსპოზიციებში, ბიენალეებში, ფესტივალებში, პროექტებში. გახლავართ წევრი და შემოქმედებითი თანაგვტორი საერთაშორისო ასოციაციისა „NIMA MUNDI“ (სამყაროს სული). ამ კულტურულ, მხატვრულ და სამეცნიერო ორგანიზაციასთან ერთად უამრავი პროექტი განვახორციელებ ლიტვაში, პორტუგალიაში, მონაწილეობა მივიღეთ „PS MDINA“ - მალტის ბიენალეში, საქართველოში გამართულ გამოფენებში... შარშან, ასოციაციის წევრებთან ერთად, გამოფენა მოვაწყვეთ რომში. წელს, ოზურგეთის სამხატვრო გალერეასთან ერთად, თავად მოვაწყვე იტალიელი მხატვრების გამოფენა.

- **რა გეგმები გაქვთ?**

- სექტემბერში იზმირში, გამომსახველობითი ხელოვნების და ქანდაკების ეროვნულ მუზეუმში, ასოციაციასთან ერთად გამართება გამოფენა. ოქტომბერში მონაწილეობას მივიღებ „არტ-რეზიდენციაში“, რომელიც პოლონეთის ქალაქ ვდანსკის საიუბილეო თარიღს მიეძღვნება. ამჟამად ინტენსიურად ვმუშაობ აბსტრაქციაში. ეს ძალზე საინტერესო შემოქმედებითი პროცესია.

მარიამ ხითაიშვილი

რას გვასწავლის ბაყაყ ჩიქოს თავბადასავალი, ანუ მეოთხე პრემიერა - თოჯინების თეატრში

პირველი გვირგვინი

დიდი სიბრძნეებია ჩაქსოვილი, ცხოვრებისეულია, რადგან ძალიან დიდი სიმართლეა მასში და მიხარია, რომ ბავშვები პატარა ასაკიდანვე ამას ისმენენ. ამ სპექტაკლს რომ ესწრები და ჯადოსნურ სამყაროში მოგზაურობ, უფრო ადამიანური ხდები და ეს განუმეორებელი წუთებია. მუდმივი სიახლეები და ახალი წარმოდგენები ცხადყოფს, რომ ჩვენს ქალაქში თოჯინური თეატრის განვითარების პოტენციალი დიდია. აფიშის მრავალფეროვნება, თავის მხრივ, ზრდის მომავალი თაობის ინტერესს თეატრის მიმართ, რაც მისასალმებელია. გულოცავ თეატრს წარმატებულ პრემიერას, მე გულწრფელად ვარ აღფრთოვანებული, - აღნიშნა კულტურის მინისტრმა ელისო ბოლქვაძემ.

- სპექტაკლის მთავარი გზავნილია ის, რომ ადამიანს არ შეუძლია სამშობლოს, იმ ადგილის გარეშე ცხოვრება, სადაც დაიბადა, გაიზარდა. არ შეუძლია მეგობრის გარეშე ცხოვრება, მთავარია, შეიძინო განათლება, ისწავლო, მისწრაფოდი სიახლეებისკენ, დაძლიო შიში, მიუღებელია სიმუხთლე, ღალატი. იგი გვასწავლის, რომ ადამიანი შექმნილია სიკეთისთვის, სიყვარულისთვის, მეგობრობისთვის. სპექტაკლზე თვენახევრის განმავლობაში ვიმუშავებ. სამუშაო პროცესი ძალიან საინტერესო და დატვირთული იყო. მოგესხენბათ, ეს თოჯინური სპექტაკლია და



ისინი ჩვენს საამქროში, დამდგმელი მხატვრის - გიორგი გოგიტიძის ესკიზების მიხედვით შეიქმნა. კომპოზიტორი ჩვენი თანაქალაქელი მინდია ხითაიშვილი გახლავთ, რომელიც ამჟამად ისრაელში მოღვაწეობს, საიდანაც სპეციალურად სპექტაკლისთვის დაწერილი ორიგინალური მუსიკა გამოგვიგზავნა. მინდია ჩვენთან წლების განმავლობაში მუშაობდა და აღსანიშნავია, რომ მისი ხელი,

მისი შემოქმედება ჩვენს თეატრს დაეტყო. მისმა შესანიშნავმა მუსიკამ საოცრად გააღამაზა სპექტაკლი და ვფიქრობ, სანახაობრადაც, აზრობრივადაც საინტერესო გამოვიდა. ალბათ, მოზარდები მისი ნახვის შემდეგ კარგად დაფიქრდებიან, გააანალიზებენ ყველაფერს. მათთვის მხოლოდ გასართობი არ იქნება ეს სპექტაკლი, რადგან დიდაქტიკური და შემეცნებითია. იმედი მაქვს, იგი დიდხანს

დარჩება რეპერტუარში, - გვითხრა რეჟისორმა ნინო დავითაშვილმა.

- „მოხერხებულ ბაყაყ ჩიქოზე“ მუშაობა თვეზე მეტხანს მიმდინარეობდა. კარგი შედეგი მივიღეთ, რადგან მაყურებელი ძალიან კმაყოფილი დარჩა. მე, როგორც ხელმძღვანელი, უბედნიერესი ვარ, რადგან ზრდასრულებთან ერთად სპექტაკლს ბავშვებიც ესწრებოდნენ, ისინი კი ჩვენი თეატრისთვის ყველაზე ღირებული და მნიშვნელოვანი მაყურებლები არიან. ვფიქრობ, ეს წარმოდგენა პატარებმა სწორად გაიგეს და მახარებს, რომ ზუსტად ის შევქმენით, რაც დღეს მათ სჭირდებათ. დიდი მადლობა რეჟისორს, ქალბატონ ნინო დავითაშვილს, გულითადი მადლობა ყველა მსახიობს, რომლებმაც დიდი შრომა და ენერგია ჩადეს დღევანდელ სპექტაკლში. ასევე, ვისარგებლებ შემთხვევით და ქალბატონ ნინოს იუბილეს გულოცავ. მას დიდხანს შემოქმედებით წვას ვუსურვებ, - გვითხრა ბათუმის თოჯინების თეატრის სამხატვრო ხელმძღვანელმა ირაკლი კიკვაძემ.

წარმოდგენის დასრულების შემდეგ აჭარის კულტურის მინისტრმა რეჟისორ ნინო დავითაშვილს, 60 წლის საიუბილეო თარიღთან დაკავშირებით, მადლობის სიგელი გადასცა. მას მადლობის სიგელი ასევე გადაეცა ბათუმის თოჯინებისა და მოზარდ მაყურებელთა პროფესიული სახელმწიფო თეატრისგანაც, ხოლო აჭარის მამულიშვილთა საგვარეულო კავშირისაგან საპატიო სიგელით დაჯილდოვდა, გენერალ გიორგი მაზნიაშვილის სახელობის საქველმოქმედო ფონდ „ჩოხოსისგან“ კი ქების სიგელით.

მარიამ ხითაიშვილი